



80

1 2 3 4 5 6 7 8 9 100

C 40-4514

了翁上座請大藏及有  
家書置之武州華嚴山  
我微笑塔院庭舍永  
為學者不許出院內  
當山三世鐵牛本譁記



B 64853

# 醒世錄卷七

## 眷屬篇 哀戀部

如須摩提長者經云。佛在世時。舍衛城有大長者子。名須摩提。是人命終。父母宗親。及諸知識。一時號哭哀悼。躋踴稱怨。大喚悶絕於地。爾時世尊知而故問阿難。彼諸大衆。何故哀號悲泣如是。阿難具以白佛。唯願世尊爲度一切。可往至彼。是時彼諸人等。遙見世尊。各各以

武原居士徐昌治覲周  
金粟寺住持行元百癡

編輯  
校閱

手拭面。前來迎佛。既至佛所。頭面禮足。悲哀哽塞。不能發言。佛告長者父母等。汝等何故悲泣懊惱。著此幻法。是諸人等。同時發言。而白佛言。世尊。是城中唯有此人。聰明智慧。端正殊妙。年既盛壯。於諸人中。爲無有上。又復多財寶。倉庫盈溢。車馬衣服奴婢。如是悉備。無所乏短。一旦命終。是故我等。悲泣戀慕。不能自勝。善哉世尊。願爲我等。方便說法。得離諸惱。從今已後。更不復受。如是諸苦。爾時世尊。告長者父母宗親知識。及諸大衆。汝等曾見有生者。不老病死。不諸人白佛言。未曾見也。佛

復告諸大衆。汝等欲離生老病死。憂悲苦惱者。莫復念是恩愛之縛。標心正見。歸命三寶。所以者何。於諸世間。無過佛者。能導盲瞑愚癡之衆。佛所說法。即是良藥。爾時世尊。卽說偈言。十方世界中。生者無不死。生死往來道。唯法能除滅。無有十方刹。命終能濟者。爾時長者諸眷屬等。聞佛所說。悲苦皆息。並獲道果。又法句喻經云。昔有婆羅門。少年出家。學至六十。不能得道。婆羅門法。六十不得道。然後歸家娶婦。爲此居家。生得一男。端正可愛。至年七歲。書學聰了。才辯出口。有逾於人。卒得重

病一宿。命終。梵志憐惜。不能自勝。伏其屍上。氣絕復蘇。親族諫喻。奪屍殯斂。埋著城外。梵志自念。我今啼哭。計無所益。不如往至閻羅王所。乞索兒命。於是梵志沐浴齋戒。齋持華香。發舍而去。所在問人。閻羅所治處爲在何許。展轉前行。行數千里。至深山中。見諸得道梵志。復問如前。諸梵志問曰。卿問閻羅王所治處。欲求何等。答曰。我有一子。辯慧過人。近日卒亡。悲窮懊惱。不能自解。欲至王所。求乞兒命。還將歸家。養以備老。諸梵志等。愍其愚癡。卽告之曰。閻羅王所治之處。非是生人所可得。

到也。當示卿方。宜從此西行四百餘里。有一大川。其中有城。此是諸天神案行世間停宿之城。卿持齋戒。往必見之。梵志歡喜奉教而去。到其川中。見好城郭宮殿。屋舍如忉利天。梵志詣門燒香。翹腳呪願。求見閻羅王。王勅守門人引見之。梵志啟言。晚生一男。欲以備老。養育七歲。近日命終。唯願大王垂恩布施。還我兒命。閻羅王言。所求大善。卿兒今在東園中戲。自往將去。梵志卽往見兒。與諸小兒共戲。卽前抱之。向之啼泣。曰我晝夜念汝。食寐不甘。汝寧不念父母。小兒驚喚。逆呵之。曰癡騃。

老翁不達道理。寄住須臾。名爲人子。勿妄多言。不如早去。今我此間。自有父母。邂逅之間。彼手相抱。梵志悵然。卽自念言。我聞瞿曇沙門。知人神魂變化之道。當徃問之。卽還佛所。時佛在舍衛祇洹。爲大衆說法。梵志見佛稽首作禮。具以本末向佛陳之。佛告梵志。汝實愚癡。人死神去。便更受形。父母妻子因緣譬如寄客。起則離散。愚迷縛著。計爲已有。憂悲苦惱。不識本根。唯有慧者。不貪恩愛。覺苦捨習。勤修經戒。滅除識想。生死得盡。梵志聞已。豁然意解。卽於座上。得阿羅漢道。

改易部

如法句喻經云。昔佛在舍衛國。爲天人說法。時城中有婆羅門長者。財富無數。爲人慳貪。不好布施。食常閉門。不喜人客。爾時長者欲思美食。便勑其妻。令作飯食。教殺肥鷄。薑椒和調。煮之令熟。勑外閉門。夫妻二人坐一小兒。著聚中央。便共飲食。父母取鷄肉。著兒口中。如是數數。佛知此長者宿福應度。化作沙門。伺其坐食。現出坐前。便呪願云。多少布施。可得大福。長者舉頭見沙門。卽罵之言。汝爲道人。而無羞恥。室家坐食。何爲唐突沙門。

門答曰。卿自愚癡。不知羞恥。今我乞士。何故慚羞。長者問曰。吾及室家。自共娛樂。何故慚羞。沙門答曰。卿殺父。妻母。供養怨家。不知慚恥。反謂乞士。何不慚羞。於是世尊卽說偈曰。所生枝不絕。但用食貪欲。養怨益丘塹。愚見妻子節。深著愛其牢。深固難得出。長者聞偈驚而問之道人。何故說此。答曰。案上鷄者。是卿先世時父。以慳貪故。嘗生鷄中。爲卿所食。此小兒者。往作羅刹。卿作賈客。大人乘船入海。舟輒失流。墮羅刹國中。爲羅刹所食。如是五百世壽盡。來生爲卿作子。以卿餘罪未畢。故來陀洹道。

欲相害耳。今是妻者。是卿先世時母。以恩愛深固。今還與卿作婦。今卿愚癡。不識宿命。殺父養怨。以母爲妻。五道生死。輪轉無際。誰能知者。唯有道人見此覩彼。於是長者忽然毛竅。如怖畏狀。佛現威神。令識宿命。長者見佛。卽識宿命。尋則懺悔謝過。便受五戒。佛爲說法。得須陀洹道。

離著部。案婆沙論云。於此家中。父母兄弟。妻子眷屬。車馬等物。唯增貪求。無有厭足。家是難滿。如海吞流。家是

無足。如火焚薪。家是無息。覺觀相續。家是苦性。如怨詣。  
親家是障礙。能妨聖道。家是鬪亂。共相違諍。家是多嗔。  
呵責。好醜。家是無常。雖久失壞。家是衆苦。馳求守護。家  
是疑處。猶如怨賊。家是顛倒。貪著假名。家是伎人。種種  
妄飾。家是變異。貪必散離。家是假借。無有實事。家是眠  
夢。富貴則失。家如朝露。須臾變滅。家如蜜滴。其味甚少。  
家如棘棗。欲刺傷人家。如鐵觜蟲。覺觀常唼。如是等患  
在家菩薩。當如是觀。

### 感應緣 三驗

宋袁廓。字思度。陳郡人也。元徽中。爲吳郡丞。病經少日。  
奄然如死。但餘息未盡。棺槨之具並備。三日而能轉動。  
視瞬。自說云。有使者喚。廓隨去。至大城池。樓堞高整。階  
闌崇麗。卽命廓進。主人南面。階陛森然。威節冠首。執刀  
者點廊坐。定溫涼畢。設酒炙果粽俎肴等。廓皆嘗進。形  
味不異世中。酒數行。主人謂廓曰。主簿有闕。以君才穎。  
故欲相屈。廓知是幽途。固辭。主人曰。君以幽顯異方。故  
有辭耳。此間榮祿資待。身口服御。乃當勝君。可降意副。  
期。廓復固請曰。男女藐然。並在齠齒。僕一旦恭任。養視

無託。父子之戀理有可矜。廓因流涕稽頰。主人曰。君辭讓可爾。何容相逼。旣而廓謝恩辭歸。主人曰。君不欲定省先亡乎。乃遣人將廓行。經歷寺署甚衆。至囹圄。將廓入中。斜趣一偶。有諸屋宇。駢墳銜接。而甚陋弊。次有一屋。見其所生母。羊氏。在此屋中。容服不佳。甚異平生。見廊驚喜。戶邊有一人。身面傷痍。形類甚異。呼廓語。廓驚問誰。羊氏謂廓曰。此汝嫡母王夫人。汝不識耶。王夫人曰。吾在世時。不信報應。雖無甚餘罪。正坐鞭撻。婢僕過苦。故受此罰。亡來楚毒。始無暫休。前喚汝姊來。望以自

代。竟無所益。徒爲憂聚。言畢涕泗。廓姊時亦在其側。有頃。使人復將廓去。經涉巷陌閭里。整頓似是民居。有一宅。竹籬茅屋。見父披被着巾。凭案而坐。廓入門。父揚手遣廓曰。汝旣蒙罷。可速歸去。不須來也。廓跪辭而歸。唐京城真寂寺沙門慧如。少精勤苦行。師事信行。信行亡後。奉遵其法。隋太業中。因坐禪修定。遂七日不動。衆皆嘆異之。以爲入三昧也。旣而慧如開目。涕泣交流。僧衆恠問之。答曰。火燒腳痛。待視瘡畢。乃說。衆皆恠問。慧如曰。被閻羅王請行道。七日滿。王問須見先亡知識不。

如答欲見二人。王卽遣喚一人。唯見龜來。舐慧如足。目中淚出而去。更一人者。云罪重不可喚。令就見之。使者引慧如至獄門。門閉甚固。使呼守者。有人應聲。使者語慧。如師急避道。莫當門立。如始避而門開。大火從門流出。如腳被燒。舉目視門。門已閉訖。竟不得相見。王施絹三十疋。固辭不許。云已遣送後房。衆僧爭往房視之。則絹在床矣。

唐居士李信者。并州文水縣之太平里人也。身爲隆政府衛士。至顯慶年冬。隨例往朔州赴蕃。乘赤艸馬一疋。

併將艸駒。是時歲晚凝陰。風雪嚴厚。行十數里。馬遂不進。信以蕃期逼促。撻之數十下。馬遂作人語。謂信曰。我是汝母。爲生子避汝父。將頑餘米。乞女。故獲此報。此駒卽是女也。以力償債。汝復何苦。敦逼如是。信聞之。驚愕流涕。不能自勝。乃拜謝之。躬駝鞍轡。謂曰。若是信娘。當自行歸家。馬遂前行。信負鞍轡隨之。至家。信兄弟等見之。悲哀相對。別爲厥壠。養飼有同事母。屏僧營齋。合門莫不精進。

機辦篇 感應緣一

晉康僧淵。本西域人。至於長安。貌雖番人。語實中國。容貌正詳。志業弘深。晉成之世。與康法暢。支敏度等俱遇。江暢亦有才思。善爲往復。著人物始議論等。暢常執麈尾行。每值名賓。輒清談盡日。庾元規謂暢曰。此塵尾何以常在。暢曰。廉者不求貪者不與。故得常在。淵亦機辯過暢。時琅耶王茂弘見淵。鼻高眼深。每戲弄之。淵曰。鼻者面之山。眼者面之淵。山不高則不靈。淵不深則不清。時人以爲名答。

### 造樓

百喻經云。往昔愚人癡無所知。到餘富家。見三重樓。高廣嚴麗。卽作是念。我有財錢。不減於彼。云何不造。卽喚木匠而問言曰。解作彼舍不。木匠答言。是我所作。卽便語言。今爲我造。木匠卽便經地。壘塹作樓。愚人見壘。語木匠言。我不欲下二重。先爲作最上屋。木匠答無有是事。何有不作最下。造彼第二。不造第三。云何得造第三屋。愚人固言。我不用下二。必爲我作上。時人聞已。便生恠笑。譬如世尊四輩弟子。不勤修敬三寶。懶惰懈怠。欲求道果。不欲下三果。唯欲得第四阿羅漢果。亦爲時人。

之所嗤笑。

### 賣香

百喻經云。昔有長者入海取沉水香。積有年載。方得一車。詣市賣之。以其貴故。卒無買者。多日不售。心生疲厭。見人賣炭時。得速售便燒作炭。世間愚人亦復如是。無量方便。勤求佛果。以其難得。便生退心。

### 畏婦

百喻經云。昔有一人。婢取二婦。若近其一。爲一所瞋。便在二婦中間。正身仰臥。值天大雨。屋舍漏。水土俱下。

入其眼中。以先有要。不敢起避。遂令二目俱失。其明世間凡夫。亦復如是。親近邪友。習行非法。造作結業。墮三惡道。長處生死。喪智慧眼。

### 惰慢篇

#### 感應緣

一驗

鹽鐵論曰。內無其質。而外學其文。雖有賢師良友。若畫脂鑄水。費日損功。故良師不能飾西施。澤香不能加嫫母。說苑曰。晉平公問師曠曰。吾年七十。欲學。恐已暮矣。對曰。暮何不炳燭乎。臣聞少而學者。如日出之陽。壯而學者。如日中之光。老而學者。如炳燭之明。炳燭之明。孰與

昧行平公曰善。

破邪篇 捨邪歸正

梁高祖武皇帝年三十八登位在政四十九年雖億兆務殷而卷不釋手內經外典罔不脣懷皆爲訓解數千餘卷而儉約自節羅綺不服覆處虛閑晝夜無忘布被莞席草履葛巾日惟一食永絕辛羶自有帝王罕能及此舊事老子宗尚符圖忽躬運神筆下詔作捨道文曰維天鑒三年四月八日梁國皇帝蘭陵蕭衍稽首和南十方諸佛十方尊法十方聖僧伏見經云發菩提心者

即是佛心能使衆生出三界之苦門入無爲之勝路故如來漏盡智凝成覺發惠炬以照迷鏡法流以澄垢登嘗樂之高山出愛河之深際步三界而爲尊普大千而流照弟子經遲迷荒耽事老子今捨舊翳歸憑正覺至四月十一日又勑門下大經中說道有九十六種惟佛一道是正道其餘九十五種名爲邪道朕捨邪事正諸佛如來若有公卿能入此誓者各可發菩提心故經教成實論云若事外道心重佛法心輕即是邪見若心一等是無記性不當善惡若事佛心強老子心弱者乃是

80 1 2 3 4 5 6 7 8 9 100 1 2 3 4 5 6 7 8 9

清信至四月十七日侍中安前將軍丹陽尹郡陵王上  
啟云臣綸聞如來嚴相巍巍架於有頂微妙色身蕩蕩  
顯乎無際假金輪而啟物託銀粟以應凡砥般若之利  
刀牧涅槃之妙果汎生死之苦海濟常樂於彼岸故七  
處八會教化之義不窮四帝五時利益之方無盡道樹  
始於迦維德音盛於京洛茲我皇帝應天御物負扆臨  
民含光宇宙照清海表垂無碍辦以接黎庶以本願力  
攝受衆生故能崇一乘之旨廣十地之基臣昔未達埋  
源今方麤知歸向伏願天慈曲垂矜許至四月十八日

中書舍人臣任孝恭宜勅云能改迷入正可謂是宿植  
勝因宜加勇猛也

魏書云正光元年明帝加朝服大赦天下召佛道二宗  
門人殿前齊訖侍中劉勝宣勅諸法師等與道士論議  
時清風通觀道士姜斌與融覺寺僧曇謨量對論帝曰  
佛與老子同時不斌曰老子西入化胡佛時以充侍者  
明是同時量曰何以知之斌曰案老子開天經是以得知  
知量曰老子當周何王幾年而生周何王幾年西入斌  
曰當周定王卽位三年乙卯之歲於楚國陳苦縣屬鄉

曲仁里九月十四夜子時生。至周簡王四年丁丑歲事周爲守藏吏。簡王十三年遷爲太史。至敬王元年庚辰歲年八十五見周德凌遲。與散闈令尹喜西入化胡斯足明矣。鼂曰。佛以周昭王二十四年四月八日生。穆王五十三年二月十五日滅度。計入涅槃後經三百四十五年始到定王三年老子方生。至敬王元年凡經四百二十五年始與尹喜西遁。據此年載懸殊無乃謬乎。斌曰。若佛生周昭之時。有何文記。鼂曰。周書異記。漢法本內傳。並有明文。斌曰。孔子旣是制法聖人。當時於佛迥無文記何耶。鼂曰。仁者識同管窺。覽不弘遠。案孔子有三備卜經。謂天地人也。佛之文言出在中備。仁者早自披究。不有此迷。斌曰。孔子聖人不言而知。何暇卜乎。最曰。惟佛是衆聖之王。四生之道首達。一切含靈前後二際。吉凶終始。不暇卜觀。自餘小聖。雖曉未然之理。必藉蓍龜以通靈卦也。侍中尙書令元文宣勅語道士姜斌等論無宗旨。宜退下席。又問開天經。何處得來。是誰所說。卽遣中書侍郎魏收。尙書郎祖瑩等就觀取經。帝令議之。太尉丹陽王蕭。太傅李實。衛尉許伯姚。吏部尙書

邢欒散騎常侍溫子昇等一百七十人。讀訖奏云。老子止著五千文。更無言說。臣等所議。姜斌罪當惑衆。帝加斌極刑。時有三藏法師菩提流支行佛慈化。諫帝乃止配徒馬邑。

晉程道惠字文和。武昌人也。世奉五升米道。不信有佛。常云古來正道莫踰李老。何乃信惑釋言。以爲勝教。大元十五年病死。心下尚暖。家不殯殮。數日得蘿。說初死時見十許人。縛錄將去。逢一比丘云。此人宿福未可縛也。乃解其縛。散驅而去。道路修平。而兩邊棘刺森然。畧

不容足。驅諸罪人馳走其中。肉隨著刺。號呻聒耳。見惠行在平路。皆歎羨曰。佛弟子行路復勝人也。惠曰。吾奉法。其人笑曰。君忘之耳。惠因自憶先身奉佛。已經五生五死。忘失本志。今生在世。幼遇惡人。未達邪正。乃惑邪道。旣至大城。逕進聽事。見一人。年可四五十。南面而坐。見惠驚曰。君不應來。有一人著單衣幘。持簿書對曰。此人伐社殺人。罪應來此。向所逢比丘。亦隨惠入申理。甚至云伐社非罪也。此人宿福甚多。殺人雖重。報未至也。南面坐者曰。可罰所錄人。命惠就坐。謝曰。小鬼謬濫。

枉相錄來。亦由君忘失宿命。不知奉大正法故也。將遣惠還。乃使暫兼覆校將軍。歷觀地獄。惠欣然辭出。導從而行。行至諸城。城城皆是地獄。人衆巨億。悉受罪報。見有掣狗齒人。百節肌肉散落。流血蔽地。又有羣鳥。其啄如鉸。飛來甚速。鴉然血至入人口中。表裏貫洞。其人宛轉呼叫。筋骨碎落。觀歷既徧。乃遣惠還。復見向所逢比丘。與惠一銅物。形如小鈴。曰。君還至家可棄此門外。勿以入室。某年月日。君當有厄。誠慎過此。壽延九十。時道惠家於京師大街南。自見來還。達皂莢橋。見親表三人。

住車共語。憚惠之亡。至門見婢行哭而市。惠將入門。置向銅物。門外樹上。光明舒散。流飛屬天。良久還小奄爾而滅。至戶聞屍臭。惆悵惡之。時賓親奔弔。突惠者多。不得徘徊。因進入屍。忽然而癒。惠後爲廷尉。預西堂聽訟。未及就列。欵然頓悶。不識人半日。乃愈。計其時日。卽道人所戒之期。頃之遷爲廣州刺史。

唐益州福壽寺釋寶瓊。俗姓馬氏。綿竹縣人。小年出家。清卓儉素。讀誦大品。兩日一徧。以爲常業。勸歷邑義。誦一卷者。向有千計。四遠聞者。皆來欽敬。本邑連比什。

邠諸縣。並是道民。執邪日久。投寄無容。瓊雖柔梓習俗。而不事道。李氏諸族。值作道會。邀瓊赴之。來既後。至不禮而坐。皆謂不禮天尊。輕我宗法耶。瓊曰。邪正道殊。所事各異。天尚不禮。何況老君。衆議紛紜。頗相凌侮。瓊見爭訟不止。報曰。吾禮非所禮。恐貽辱先宗。遂作一拜。道像并座。一時動搖。又禮一拜。連座反倒。墜落在地。身座推毀。道民羞恥。合衆驚懼。一心禮瓊。遠近聞知。皆捨道。

歸佛

富貴篇 感應緣 一 試

唐中書令岑文本。江陵人。少信佛。常念誦法華經。普門品。曾乘船於吳江中。船壞。人盡死。文本投在水中。聞有人言。但念佛必不死也。如是三言之。旣而隨波涌出。著北岸。免死。後於江陵設齋。僧徒集其家。有一客僧。獨後去。謂文本曰。天下方亂。君幸不預其災。終逢太平。致富貴也。言畢。趨出。送出外。不見。旣而文本食齋。於自食椀中。得舍利二枚。後果如其言。

須達部

雜寶藏經云。昔佛在世時。須達長者。最後貧苦。財物都

無客作傭力。得米四升。炊作飯食。值阿那律來從乞食。婦卽取鉢盛滿飯與。後須菩提迦葉目連舍利弗等次第來乞。悉施滿鉢。末後佛來。亦與滿鉢。須達在外行還到家。從婦索食。婦卽語言。其若尊者。阿那律來。汝當自食。爲施尊者。不須達答言。寧自不食。當施尊者。婦又語。一言。若復迦葉大目連及須菩提舍利弗等。乃至佛來。汝當云何。亦答婦言。寧自不食。盡當施與。婦卽語夫言。朝來諸聖。盡來索食。所有飲食。盡施與之。夫聞歡喜。而婦語言。我等罪盡。福德應生。卽開庫藏。穀綿飲食。悉皆充

## 債負篇

無量壽經云。憍梵波提。過去世。曾作比丘。於他粟田邊。摘一莖粟。觀其生熟。數粒墮地。五百世作牛馬。償之。唐龍朔三年。長安城內通軌坊三衛。劉公信妻陳氏。母先亡。陳因患暴死。見人將入地獄。備見諸苦。末後見一地獄。石門牢固。有兩大鬼。形容偉壯。守門左右。怒目瞋陳。汝何人。到此見石門忽開。亡母在中受苦。受苦稍歇。近門母子相見。遙得共語。母語女言。汝還努力。爲吾寫經。女詰嬾。欲寫何經。爲吾寫法華。言訖。石門便閉。陳還。

得蘓。具向夫說。夫卽憑妹夫趙師子欲寫法華。其師子舊解寫經。有一經生。將一部新寫法華。未裝演。其人先與他受雇寫經。主姓范。此生將他法華轉向趙師子處。質二百錢。師子語婦兄。贖取此經。陳將四百錢。贖得裝演周訖。在家爲母供養。其女陳氏。後夢見母從女索經。何因迄今不得。女報母言。已爲娘贖得一部法華。現裝演了。在家供養。母語女言。止爲此經。吾轉受苦獄官語云。汝何因取他范家經。將爲已經。女見母說如此。更爲母別寫法華。其經未了。女夢中復見母來催經。卽見一人轉質。自得罪咎。

僧手捉一卷法華語。母云。汝女已爲汝寫經第一卷了。功德已成。後寫經成。母來報女。因汝爲吾寫經。今得出宴道。好處受生。得汝恩力。故來報汝。後時勘問前贖法華主。知果姓范。范家雖不得經。其經已成。施福已滿。後人轉質。自得罪咎。

謀謗篇 宿障部

孫陀利謗佛緣

興起行經云。如來將五百羅漢。常以月十五日。於中說戒。因舍利弗問十事。舍利弗自從華座起立。整服偏露。

右臂右膝跪座向佛父手問言世尊無事不見無事不聞無事不知衆惡滅盡諸善普備一切衆生皆欲度之今故現有殘緣願佛自說使天神解以何因緣彼孫陀利謗以何因緣彼奢彌跋提謗及五百羅漢以何因緣世尊自患頭痛以何因緣世尊自患骨節疼痛以何因緣世尊自患背痛以何因緣被木槍刺腳以何因緣被調達破指出血以何因緣被多舌女人舞杆大衆來相講謗以何因緣於毗蘭邑與五百比丘食其馬麥以何因緣在鬱秘地苦行六年佛語舍利弗還復華座吾當

爲汝說先因緣阿耨大龍王聞佛當說踴躍歡喜卽爲佛作七寶交露蓋蓋中雨栴檀末香周徧無數諸天八部皆來詣佛作禮而立佛告舍利弗往昔過去波羅柰城有博戲人名曰淨眼時有姪女名曰鹿相端正殊好時淨眼語鹿相曰當詣園中共相娛樂鹿相便莊嚴衣服卽共嚴駕至園娛樂經於日夜淨眼貪心當殺此女取其衣服復念殺已當何藏之時此園中有辟支佛名樂無爲去其不遠伺乞食後埋其廬中持衣而去爾時國人不見鹿相遂徹梵達國王王召群臣徧城求之不

得往到園廬。搜索得屍。諸臣語無爲。日已行不淨。胡爲復殺。辟支默然不答。如此至三不答。衆臣便反縛辟支。持詣王所。王聞瞋恚。勅諸臣等急縛至樹下。計牟針之貫著竿頭。拯弓射之。若不死者。便斫其頭。諸臣受教。衆人悲傷。於時淨眼在破牆中藏。聞衆人言道人枉死。念已走趣大眾。並喚上官。此人是我殺耳。願放道人。縛我治罪。諸官皆驚曰。何能代他受罪。卽共解辟支。便縛淨眼。反縛如前。諸上官等。皆向辟支佛作禮懺悔。辟支佛念不宜更復重入波羅奈城乞食。我宜衆前取滅度耳。

便於衆前。踊昇虛空。於中往返坐臥。住立作十八變。腰以下出烟。腰以上出火。或舉身出烟。舉身出火。卽於空中燒身滅度。於是大眾皆悲啼泣。取其舍利於四衢道起偷婆。諸官卽將淨眼詣王。王忿依前殺之。佛語舍利爾時淨眼者。則我身是其鹿。相女者。今孫陀利是爾時梵達王者。今執杖釋種是我。於爾時由殺鹿相枉困辟支。以是罪緣。無數千歲墮在泥犁。無數千歲墮在畜生。無數千歲墮在餓鬼中。爾時餘殃。今雖作佛。故獲此謗。

佛被木槍刺腳緣

興起行經云。佛在羅閱祇竹園精舍。與大比丘僧五百人俱。晨旦著衣持鉢。與五百比丘僧及阿難共入羅閱祇城乞食。家家徧至。見此里中。有破剛木一片。木長尺二。於佛前立。佛便心念。此是宿緣。今當現償宿緣之報。使衆人見信。不敢造惡。佛便踊在虛空。去地一仞。木槍逐佛亦高一仞。於佛前立。佛復上二仞。四仞乃至七仞。檜亦隨上七仞。世尊復上高一多羅。槍亦高一多羅。佛復上乃至七多羅。槍亦隨上立於佛前。佛復上高七里。乃至上由延。槍亦隨之。佛於空中化作青石。厚六由延。

廣縱十二。由延。佛於上立。槍便穿石出。在佛前立。佛復於空中化作水。廣十由延。縱二由延。深六由延。於水上立。槍復過水。於佛前立。佛復空中化作大火。縱廣十三由延。高六由延。於其燄上立。槍亦過燄。至佛前上。佛復空中化作旋風。縱廣十二由延。於風上立。槍從傍邊斜來。趣佛前立。佛復上至四天王宮。如是展轉。乃至梵天。木槍從三十三天以次來上。乃至梵天。於佛前立。爾時世尊與梵天說。自宿緣法。從梵天還。展轉還至羅閱城。所過諸天。皆爲說宿緣法。佛與比丘僧出羅閱城。槍亦

尋佛後國人盡逐物出城。佛語衆人各自還歸。如來自知時節。卽還竹園僧伽藍。自處已房。勑諸比丘各自還房。阿難問佛。我當云何。佛語阿難。汝亦還房。佛便心念是緣。我宿自造。必當償之。卽取大衣四襲。縫之還坐本座。佛便展右足。木槍便從足跌上下。入徹過入地深六萬八千由延。過地至水。水深亦六萬八千由延。過水至火。火高六萬八千由延。至火乃焦。當爾之時。地爲六反震動。阿難諸比丘各自心念。今此地動。其槍必刺佛腳。佛被槍已。苦痛酸疼。阿難卽至佛所。見佛腳刺槍瘡。便死倒地。佛以水灑。阿難乃起。起已禮佛足。摩拭佛足。鳴佛腳足。啼泣墮淚。佛以是脚行至樹下降魔。上至三十三天。爲母說法。世尊金剛之身。作何因緣。爲木所害。佛語阿難。且止。勿啼。世間因緣。輪轉生死。有是苦患。阿難問佛。今者瘡痛增損。何如。佛語阿難。漸有降損。舍利弗及諸比丘來禮佛。佛語比丘。我乃先世自造。此緣無可逃避。時者婆阿闍世王等。聞佛爲木槍刺腳。從床悶死墮地。良久乃蘇。宮鷲怖。王疾嚴駕。上車出城。城內百姓宗族士女。百千圍遙。共至佛所。佛右脇側臥。王禮佛。

已手捉佛足。摩杖口嗚。世尊瘡痛。寧有損不。佛慰王已。命王使坐。王言我從如來所聞。佛身金剛不壞。今者何爲木槍所刺耶。佛告王曰。一切諸法皆爲緣。對我身雖是金剛。非木槍能壞。此宿對所壞。是故大王當捨惡從善。王語耆婆。汝合好藥洗瘡。呪治者婆。卽便禮佛洗足。安藥後續止痛。佛於是爲王一切衆會說四諦法。千比丘得漏盡意解。萬一千人得法眼淨。復有百千諸天。展轉相告。皆來慰佛。佛語舍利弗。往昔無數阿僧祇劫。前有兩部賈客。各有五百人在波羅柰國。各合資財。嚴船度海。乘風徑往。卽至寶渚。渚上豐饒。衣被飲食及妙妓女。種種龍寶。無物不有一部賈客語衆人曰。我等所求已獲。今當住此。以五欲自娛。第二薩薄告其部衆。不應於此久住。是時空中有天女。慈愍此輩。便於空中語衆賈曰。此間雖有財寶妓女衣食。不足久住。却後七日。此地皆當沒水。語訖化去。復有魔女。欲來沒盡。諫止不去。第一薩薄不信天告樂住不去。第二薩薄懼水不住。先嚴辦船。未至之日。所將部衆。卽得上船。第一薩薄先不

薄。以銃牟刺第一薩薄腳徹過。卽便命終。佛語舍利弗。  
 第一薩薄者。今提婆達是。第二薩薄者。則我身是。爾時  
 第一賈客衆五百人者。則今五百羅漢是。爾時第一天女  
 者。則今舍利弗是。爾時第二天女者。則今名滿月比丘  
 婆羅弟子。是以是因緣。無數千歲。經地獄苦。墮畜生中。  
 爲人所射。無數千歲。在餓鬼中。蹈鐵針上。今雖得金剛  
 之身。以是餘殃故。今爲木槍所刺。

佛被舞杆謗緣

興起行經云。佛告舍利弗。往昔阿僧祇劫前。有佛名盡  
 勝如來。有兩種比丘。一名無勝。一名常歡。無勝得六神  
 通常歡結使未除。爾時波羅奈城有長者名大愛資財。  
 無極。婦名善多。兩種比丘。往來其家。善多婦供養無勝。  
 四事無乏。常歡微薄。因此妬嫉。橫生誹謗言。無勝比丘  
 與善多交通。不以道法供養。以恩愛供養。爾時常歡者  
 我身是。善多婦者。婆羅門女。是以是罪緣。無數千歲。墮  
 在地獄。受其苦痛。今雖得佛。以餘殃故。爲多舌童女。舞  
 杆起腹。來至我前。曰汝先共我交通。使我有身。今當臨

月事須酥油。養於小兒。盡當給我。爾時衆會。皆低頭默。然時釋提桓因侍後執扇。以神力化作一鼠。入其衣裏。齒於舞杆。忽然墮地。爾時四部弟子。及六師從衆見杆。墮地。皆大歡喜。揚聲稱慶。

呪術篇 感應緣 四驗

昔鄴中。有竺佛圖澄者。西域人也。姓帛氏。少出家。清貞務學。誦經數百萬言。善解文義。雖未讀此土儒史。而與諸學士論辯。疑滯皆暗若符契。無能屈者。以晉懷帝永嘉四年來適洛陽。志弘大法。善誦神呪。能役使鬼物。以

麻油雜臘脂塗掌。千里外事。皆徹見如對面。又聽鈴音。以言事。無不効驗。時石勒屯兵葛陂。專以殺戮爲威。沙門遇害甚衆。澄憫念蒼生。欲以道化勒。於是杖策到軍門。勒大將郭黑略。素奉法。澄卽投止畧家。因而勒召澄問曰。佛道有何靈。驗。澄知勒不達深理。與言曰。至道雖遠。亦可以近事爲証。卽取應器盛水。燒香祝之。須臾生青蓮華。光色曜日。勒由此信伏。澄因而諫曰。夫王者德化治於宇內。則四靈表瑞。政弊道消。則慧孛苦現。休咎隨行。斯乃古今之常徵。天人之明誠。勒甚悅之。凡應被

誅殘蒙其益者十有八九。勒後因忿欲害諸道士。并欲苦澄。澄乃避至黑畧舍。告弟子曰。若將軍信至。問吾所在者。報云不知所之。信人尋至。覓澄不得。使還報。勒大驚曰。吾有惡意向聖人。聖人捨我而去矣。通夜不寢。思欲見澄。澄知勒意悔。明日造勒。勒曰。昨夜何行。澄曰。公有怒心。昨故權避。公今改意。是以敢來。勒大笑曰。道人謬耳。襄國城塹。水源在城西北五里。圍九祠下。其水暴竭。勒問澄曰。何以致水。澄曰。今當勅龍。勒字世龍。謂澄嘲已。答曰。正以龍不能致水。故相問耳。澄曰。水泉之源必

有神龍居之。今往勅語。水必可得。乃與弟子法首等數人至泉源上。其源故處久已乾燥。坼如車轍。從者心疑。恐水難得。澄坐絳床。燒安息香。祝願數百言。如此三日。水忽然微流。有一小龍長五六寸許。隨水來出。諸道士竟往視之。澄曰。龍有毒氣。勿臨其上。有頃水大至。隍塹皆滿。勒登位已後事。澄彌篤。時石葱將叛。其年澄誠勒曰。今年葱中有蟲。食必害人。可令百姓無食葱也。勒頒告境內。慎無食葱。到八月石葱果走。勒益加尊重。有事必諮而後行。號大和尚。

宋京師有釋杯渡者。常乘木杯渡水。初在冀州。神力卓越。世莫能測。至孟津河。浮木杯於水。憑之渡河。無假風棹。輕疾如飛。俄而渡岸。達於京師。年可四十。衣不蔽身。或嚴冰扣而洗浴。或著屐上山。或徒步入市。唯荷一蘆圖子。後欲往瓜洲。於江測航人告渡。不肯載之。復累足杯中。顧盼吟詠。杯自然流。直渡北岸。向廣陵遇村舍。有李家。設入關齋。先不相識。乃直入齋堂而坐。置蘆圖於中庭。衆以其形陋。無恭敬心。李見蘆圖當道。欲遺置牆邊。數人舉不能動。渡食竟提之而去。笑曰。四天王福於

李家。於時有一豎子。窺其圖。見四小兒。並長數寸。面目端正。衣裳鮮潔。於是追覓。不知所在。後三日。乃見在西界蒙籠樹下坐。李禮拜請還家。一月供養。渡不甚持齋。與俗不殊。沛國劉興伯。爲兗州刺史。遣使邀之。負圖而來。興伯使人舉視。十餘人不勝。伯自看。唯見一敗衲及一木杯。後還李家。復二十餘日。清旦忽去。乃合境聞有異香。覓之。見在北巖下。鋪敗袈裟於地。臥之而死。頭前腳後。皆生蓮華。華極鮮香。邑共殯葬之後。數日。有人從北來。見渡負蘆圖行。向彭城。乃共開棺。唯見華履。

80

1

2

3

4

5

6

7

8

9

90

1

2

3

4

5

6

7

8

9

100

1

2

3

4

5

6

7

8

9

10

宋蜀齊後山有釋玄暢姓趙河西金城人少時家門爲北兵所滅禍將及暢。番師見暢而止之曰此兒目光外射非凡童也。遂獲免仍往涼州出家其後煩虐剪滅佛洪害諸沙門。唯暢得走以元嘉二十二年閏五月十七日發自平城路遊代郡上谷東跨太行經歷幽冀南轉將至孟津。唯手把一束楊枝一把葱葉衆騎追逐將及乃以楊枝擊沙沙起天暗人馬不能得前有頃沙息騎已復至於是投身河中唯以葱葉內鼻孔中通氣度水以八月一日達於揚州洞曉經律深入禪要占託吉凶。

## 靡不誠驗。

靈鬼志曰太元十二年道人外國來能吞刀吐火吐珠玉金銀行見一人擔擔上有小籠子可受升餘語擔人云吾步行疲極寄君擔擔人甚恠之慮是狂人便許可答云若見許政欲入籠子中擔人逾恠下擔入籠中擔之亦不覺重行數十里樹下住食擔人呼共食云我自有食止住籠中出飲食器物羅列餚餚豐腆亦辦反呼擔人食未半語擔人我欲與婦共食卽復口出一女子年二十許衣裳容貌甚美二人便共食食欲竟其夫便

臥婦語擔人。我有外夫。欲求共食。夫覺。君勿道之。婦便  
口中出。一年少丈夫。共食有頃。其夫動如欲覺。其婦以  
外夫內口中。次及食器物。此人卽至國中。有一家大富。  
償財巨萬。而性慳惜。語擔人。吾試爲君破奴慳。卽至其  
家。有好馬甚珍。之繫在柱下。忽失去。尋索不知處。明日  
見馬在五升甕中。終不可破。便語言。君作百人厨。以周  
窮乏。馬得出耳。主人卽狠狹作之卑。馬還在柱下。明日  
其父母老在堂上。忽復不見。舉家惶怖。不知所在。開粧  
器。忽見父母滌壺中。往守。請之。云。當更作千人餘食。飴

百窮者。乃當得出。旣作。其父母自在床上。

祭祠篇

獻佛部

諸佛神力。不可思議。衆生業力。亦不可思議。昔有一貧  
人。作是思惟。當詣天祠。求於現世。饒益財寶。作是念已。  
語其弟言。汝可勤作田。好爲生計。勿令家中有所乏短。  
便將其弟往至田中。此處可種胡麻。此處可種大小麥。  
此處可種禾大小豆等。示彼種處已。向天祠中。爲祠弟  
子。作天齋會。香華供養。香泥塗地。晝夜禮拜。求恩請福。  
希望現世增益財產。爾時天神觀彼人先世了無布施。

因緣今雖精勤求請。徒作勤苦。將無有益。便化爲弟來向祠中。時兄語言女何所種。來復何爲化弟。白言我亦欲求請天神。求索衣食。我雖不種。以天神力。田中穀麥自然足得。兄責弟言。何有田中不下種子。望有收獲。無有是事。時彼天神還復本形。卽說偈言。汝今自說言。不種無果實。先身無施因。云何今獲果。若欲得財寶。應當淨身口。而作布施業。以求將來果。

感應緣

三齡

晉張應者。歷陽人事。淫祀咸和八年。妻得病。應請禱財。

產畧盡。妻法家弟子也。謂曰。今病日困。求鬼無益。乞作佛事。應許之。徃精舍中。見竺曇燈。曇燈曰。佛如愈病之藥。見藥不服。雖視無益。應許當事佛。曇燈與期明日徃齋。應歸夜夢見一人長丈餘。從南來入門。曰。汝家不淨。見曇燈。隨後曰。始欲發意。未可責之。應眠覺。便炳火作高坐。及鬼子母座。曇燈明徃應具說夢。遂受五戒。斥除神影。大設福供。妻病卽間。尋都除愈。咸康二年。應至馬溝糴鹽。還泊燕湖浦宿。夢見三人以鑑釣釣之。應曰。我佛弟子。牽終不置。釣將北去。下一坂岸。岸下見有鍤湯。

刀劍楚毒之具。應時悟是地獄。欲呼師名。忘曇鎧字。但喚和尚救我。亦時喚佛有頃。一人從西面來。形長丈餘。

執金杵。欲撞此釣人曰。佛弟子也。何入此中。釣人怖散。

長人引應去。謂曰汝命已盡。不復久生可斂還家。頌喚三偈。并取和上名字。三日命過。卽生天矣。應旣蘊。卽三日持齋頌喚。遣人疏取曇鎧名。至日中食畢。禮佛。澡洗

着衣。如眠便盡。

宋陳安居者襄陽縣人也。伯父少事巫俗。鼓舞祭祀。神影充滿其宅。父獨敬信釋法。旦夕齋戒。後伯父亡無子。

父以安居紹焉。安居雖卽伯舍而理行精求。淫饗之事廢不復設。於是遂得篤病。而發爲歌神之曲。迷悶惛僻。如此者彌歲。而執心愈固。家人並諫之。安居不聽。經積二年。永初元年。病發遂絕。但心下微暖。至七日夜。守視之者覺屍足間。如有風來。飄衣動衾。於是而爇有聲。既而稍能轉動。末求飲漿。家人嘉之。問從何來。安居說云。初有人若使者。將刀數十。呼將去。從者欲縛之。使者曰。此人有福。未可縛也。行可三百里許。至一城府。樓宇甚整。使者將至數處。如局司所居。末有人授紙筆。與安居

曰可疏二十四通死名安居卽如言疏名成數通有一侍從內出揚聲大呼曰安居可入旣入稱有教付刺姦獄吏兩人一云與大械一云此人頗有福可止三尺械疑論不判乃共視文書久之遂與三尺械有墳見有貴人翼從數十形貌都雅謂安居曰汝那得來安居具陳所由貴人曰汝伯有罪但宜錄治以先植小福故贊得遊散乃敢告訴吾與汝父幼少有舊見汝依然可隨我共遊觀也獄吏不肯釋械曰府君無教不敢專輒貴人曰但付我不使走逸也乃釋之貴人將安居徧至諸地

獄備觀衆苦遊歷未竟有傳教來云府君喚安居安居忙懼求救於貴人貴人曰汝自無罪但以實對必無憂也安居至閣見有鉗梏者數百一時俱進安居在第三既至階下一人服冠冕立於囚前讀諸罪簿須臾赤官具讀名牒爲伯所訴云云府君曰此事事佛大德人也其伯殺害無辜訾百姓罪宜窮治以昔有小福故未加罪伯今復謗訴無辜教催錄取未及至而府君遣安居還安居出至閣局司云君可拔郤死名於是安居首次抽名旣畢欲向謝貴人貴人亦至云知汝無他得還

甚善努力增修功德

梁九江廬山東林寺釋僧融曾於江陵勸一家受戒奉佛適有神廟不復宗事融便徹取送寺至七日後主人母見一鬼持赤索欲縛之母甚惶懼乃更請僧讀經行道鬼怖遂息融晚還廬山獨宿逆旅時大雨雪中夜始眠見有鬼兵甚衆中有鬼將帶甲挾刃厲聲曰君何謂鬼神乃無靈耶速拽下地諸鬼將欲加手融默念觀音稱聲未絕見一天將可長丈餘着廣皮袴褶手提金剛杵擬之鬼便驚散甲冑之屬碎爲塵粉融嘗於江陵勸

夫妻二人俱受五戒後爲賊引夫遂逃走妻將繫獄遇融於路求哀請救融曰唯至心念觀世音更無餘信婦入獄後稱念不輟因夢沙門立其前足蹻令去忽覺身貫三木自然解脫旣聞卽起重門洞開便越席而東南數里將值民村天夜暗冥其夫先逃夜行晝伏二忽相遇皆大驚駭

占相部 感應緣 三驗

漢周亞夫絳侯勃之次子也初許負相之曰君三年而侯五年而相其貴無上然卒以餓死亞夫曰嘻吾何緣

如此若旣大貴又何故餓死負曰不然從理入口餓死法也後三年絳侯世子有罪黜而亞夫襲侯及破吳楚有大功爲丞相以忠蹇疆直數犯景帝竟下獄餓死

梁州招提寺有沙門名琰年幼出家初作沙彌時有一相師語琰師雖大聰明智慧鋒銳然命短壽不經旬日琰師旣聞斯語遂詣諸大德共相評論作何福勝得命延長大德答云依佛聖教受持金剛般若經功德最大琰入山志心受持般若經餘五年因出山見相師相師驚恠修何功德得壽命長琰具述前意相師歎之琰後

學問優長善弘經論匡究佛法年逾九十

梁鍾山開善寺沙門智藏俗姓顧氏吳郡吳人也有墅姥攻相謂藏曰法師聰辯蓋世天下流名但恨年命不長可至三十一時年二十有九聞斯促報於是講解頓息竭誠修道發大誓願不出寺門遂探經藏得金剛般若受持讀誦畢命奉之至所厄年末以香湯洗浴淨室誦經以待死至俄聞空中聲曰善男子汝往年三十者是報盡期由般若經力得倍壽矣

慈悲篇 菩薩部

如大集經云。佛言。我昔爲一切衆生修菩薩行爲此法。眼於諸衆生起大慈心。捨己身血猶如大海與諸乞者。捨頭眼耳。如毗福羅山捨鼻舌等如十突盧那捨手脚等。如毗福羅山捨皮施等可覆一闊浮提亦捨無量象馬奴婢妻子及以王位國土城邑宮殿村落等與諸乞者於諸佛所受持禁戒而無缺犯一一佛所無量供養一一佛所稟受無量百千法門受持讀誦善修三昧恭敬無量三乘四果聖人父母師長病苦之者無救護者爲作救護無歸依者爲作歸依無趣向者爲作趣向令

其安住我已如是於彼三大阿僧祇劫慈愍一切苦惱衆生故發大堅固勇猛之心久修無上菩薩之行今於此盲真世間無大導師儉法之時於如是等諸衆生中發心願成阿耨多羅三藐三菩提欲於三乘菩提令不退轉復願救度三惡衆生安置善道及涅槃樂。

### 觀苦部

#### 感應緣

三驗

唐益州福感寺釋道積蜀人日誦涅槃經一部凡欲宣述必先洗滌身穢被服淨衣然後昇座立性慈仁遇厲疾膿血穢氣者悉爲補浣衣服治療同食而不惡之時

人惟問云。境無染淨。淨穢由心。心既不起。愛憎何生。  
 唐新羅國大僧統釋慈藏俗姓金氏。自小神睿澄簡。厭  
 世高榮。情欣方外。獨靜行禪。不避虎兕。持戒不群。慈救  
 爲先。深隱山居。來往絕糧。便感異鳥。各啞諸果。就手送  
 與鳥於藏手。同共食之。常懷慼慼。慈哀含識。作何方便。  
 令免生死。遂於眠寐見二丈夫。從忉利天來曰。卿在幽  
 隱。欲爲何利。藏曰。惟爲利生。乃授藏五戒訖。曰可將此  
 五戒利益衆生。於是出山谷中。士女受戒無窮。

唐范陽盧元禮貞觀末。爲泗州漣水縣尉。曾因重病悶

絕經一日而癒。云有人引至府舍。入大堂中。見竈數十  
 百口。其竈上有氣。蒸然如雲霧直上。沸聲喧譁。有同數  
 千萬人。元禮仰視。見似籠盛人懸之。是蒸罪人處。元禮  
 遂發願大語云。願代一切衆生受罪。遂解衣赤體。自投  
 於釜中。因卽昏然不覺。有痛須臾。有一沙門。挽元禮出  
 云。知汝至心。乃送其歸。忽如睡覺。遂斷酒肉。安經。

放生篇 救厄 感應緣

四驗

晉張崇京兆杜陵人也。少奉法。晉太原中。符堅旣敗。長  
 安百姓千餘家南走歸晉。爲鎮戍所拘。殺其男丁。捨其

子女崇與同等五人。手脚共械。掘坑埋築。明日將馳馬射之。以爲娛樂。崇慮望窮盡。唯潔心專念。觀世音。夜中械忽自破。因走得脫。崇脚痛。經一寺。乃復稱觀世音。至心禮拜。以一石置前。發誓願言。今欲過江東訴亂。晉帝理此冤魂。救其妻息。若心願獲果。此石當分爲二。崇禮拜已。石卽破焉。崇遂至京師。發白虎搏。具列冤氏。帝乃悉如宥。

晉王懿。字仲德。太原人也。守車騎將軍。世信奉法。父苗。荷堅。時爲中山太守。爲丁零所害。仲德與兄元德。携母

南歸。登涉峭嶮。饑疲絕糧。無復餘計。唯歸心三寶。忽見一童子。牽青牛。見懿等饑。各乞一飯。因忽不見。時積雨大。水懿前望。浩然不知何處。爲淺可得揭跡。俄有一自狼。旋達其前。過水而反。似若引導。如此者三。於是逐狼而渡。水纔至膝。俄得陸路。南歸晉帝。後爲徐州刺史。常欲設齋宿。昔灑掃敷陳。香華盛列。經像忽聞法堂有經唄聲。清婉流暢。懿遽往視。見有五沙門。在佛坐前。威容偉異。神儀秀出。懿甚歡敬。沙門廻相瞻盼。意若依然。旨未交。忽竦身飛空而去。

宋沙門竺惠慶廣陵人也。經行修明。元嘉十二年。荆揚大水。川陵如一。惠慶將入廬山。船至小。而暴風忽起。同旅已得依浦。惟惠慶船未及得泊。飄颻中江。風疾浪涌。慶正心端念誦。觀世音經。洲際之人。望見其船。迎颺截流。如有數十人。牽挽之者。逕到上岸。一舫全濟。

陳攝山栖霞寺沙門惠布。俗姓郝。廣陵人。少懷遠操。性度虛梗。志行罕儔。爲君王所重。或見諸人樂生西方者。告云。方土非吾願也。如今所祈。化度衆生。如何在蓮華中。十劫受樂。未若三塗處苦。救濟也。年至七十。與衆別。

云。布命三五年在。但老困不能行道。住世何益。常願生邊地。無三寶處。爲作佛事去也。於是絕粒不食。下勅令醫證之。縮臂不許。沈皇后欲傳香信。亦不許。臨遺訣曰。長生不喜。夕死無憂。以生無所生滅。無所滅故也。

### 怨苦篇 傷悼部

如中阿含經云。爾時世尊告諸比丘。衆生無始生死。長夜輪轉。不知苦之本際。若此大地。一切草木。以四指量。斬以爲籌。以數汝等長夜輪轉生死。所依父母。籌數已盡。其諸父母。數猶不盡。汝等輪轉生死。飲其母乳。多於

恒河及四大海水或生象中飲母乳無量數或生駝馬牛驢諸禽獸類飲其母乳數無量汝等長夜卉於塚間膿血流出亦復如是或墮地獄畜生餓鬼髓血流出亦復如是爾時世尊卽說偈言一人一劫中積聚其身骨常積不腐壞如毗富羅山若諸聖弟子正智見真諦又增一阿含經云爾時三十三天有一天子身形有五死相時彼天子愁憂苦惱捷胸嘆息爾時釋提桓因白汝其所語天子言汝豈不聞如來說偈曰一切有無常生者必有死不生則不死此滅量爲樂汝今何故愁憂乃

至於斯一切諸行無常之物雖使有常者此事不然天子報言云何不愁我今天身清淨無染光踰日月摩所不照捨此身已當生羅閱城中猪腹中生恒食屎尿死時爲刀所割是時帝釋語言汝今可自歸佛法衆便不墮三惡趣故如來亦說此偈言諸有自歸佛不墮三惡趣盡漏處天人便當至涅槃爾時彼天問帝釋言今如來竟何所在帝釋報曰今如來在摩竭提國羅閱城中迦蘭陀竹園所天子報言我今無力至彼帝釋報言汝當右膝著地長跪叉手向下方界而作是言唯願世尊

善觀察之。今在垂窮之地。願矜愍之。彼天子隨帝釋。卽便長跪。向下方界。自稱姓名。自歸佛法。衆盡其形壽。爲真佛子。如是至三。說此語已。不復處猪胎。乃生長者家。是時長者婦。自知有娠。十月滿。生一男。端正無雙。至十歲。父母將至佛所。時佛爲說法。卽於座上。諸塵垢盡。得法眼淨。無復瑕穢。後離俗出家。得阿羅漢果。

### 八苦部

如五王經云。佛爲五王說法。人生在世。有無量衆苦。切身。今爲汝等。畧說八苦。一生苦。二老苦。三病苦。四死苦。

### 五恩愛別離苦。六所求不得苦。七怨憎會苦。八憂悲苦。 感應緣

一驗

吳王夫差。殺其臣公孫聖。而不以罪。後越伐吳。吳敗。謂太宰嚭曰。吾前殺臣公孫聖。投於胥山之下。今道當由之。吾上畏蒼天。下慚於地。吾舉足而不進。心不忍。往予試。唱於前。嚭乃向餘杭之山呼曰。公孫聖。三呼而三應。吳主大懼。嘆曰。蒼天蒼天。寡人豈可復歸乎。遂不返。

### 業因篇

引證

又辨意長者子經云。爾時世尊與大衆會說法。時舍衛

城中有長者子。名辨意。從五百長者子詣佛所。爲佛作禮。義手白言。有何因緣得生天上。復何因緣來生人中。復何因緣生地獄中。生餓鬼中。生畜生中。復何因緣常生尊貴中。衆人所敬。復何因緣生奴婢中。爲人所使。復何因緣生庶民中。口氣香潔。身心常安。爲人所譽。不被誹謗。復何因緣得生爲人。常被誹謗。爲人所憎。形體醜惡。身意不安。常懷恐怖。復何因緣。所生之處。常與佛會。聞法奉衆。初不差違。遭遇智識。逮得好心。若作沙門。當得所願。唯願世尊分別解說。令使衆會得聞正教。佛告。

長者子諦聽。吾當爲汝解說。有五事行。得生天上。一慈心不殺。悉養物命。令衆得安。二賢良。不盜他物。布施無貪。濟諸窮乏。三貞潔。不犯外色。男女護戒。奉齋精進。四誠信。不欺於人。護口。四過無得貪欺。五不飲酒。不經過口。行此五事。乃得生天。復有五事。得生人中。一布施恩潤。貧窮。二持戒。不犯十惡。三忍辱。不亂衆患。四精進勸化。無有懈怠。五一心奉孝盡忠。是爲五事。得生人中。大富長壽。端正威德。得爲人主。一切敬持。復有五事。死入地獄。一不信有佛法。衆而行誹謗。輕毀聖道。二破壞佛。

寺尊廟三四輩轉相誹謗。不計殃罪。無敬順意。四反逆。無有上下君臣父子。不相順從。五當來有欲爲道。已得爲道。便不順師教誨。而自貢高輕慢謗師。是爲五事。死入地獄。展轉地獄。無有出期。復有五事。墮餓鬼中。一慳。貪。不欲布施。二盜竊。不孝二親。三愚闇。無有慈心。四積聚財物。不肯衣食。五不給父母兄弟妻子奴婢。是爲五事。墮餓鬼中。復有五事。墮畜生中。一犯戒私竊偷盜。二負債抵而不償。三殺生以身償之。四不喜聽受經法。五常以因緣艱難。齋戒施會。以俗爲緣。是爲五事。畜生

中復有五事。得爲尊貴。一施惠普廣。二敬禮三寶。及衆長者。三忍辱。無有瞋恚。四柔和謙下。五博聞經戒。是爲五事。得爲尊貴。衆人所敬。復有五事。常生卑賤。一憍慢。不敬二親。二剛強無恠心。三放逸不禮三尊。四盜竊。以爲生業。五負債逃避不償。是爲五事。常生卑賤奴婢之中。復有五事。得生人中。口氣香潔。身心常安。一至誠。不欺於人。二誦經無有彼此。三護戒。不謗聖道。四教人遠惡就善。五不求人長短。是爲五事。生於人中。口氣香潔。身心長安。爲人所譽。不被誹謗。復有五事。若在人中。爲

人所憎。一常無至誠。欺詐於人。二大會之中有說法者而誹謗之。三見諸同學而輕試之。四不見他事而爲作過。五鬪亂兩舌彼此。是爲五事。若在人中。常被誹謗。身心不妄。常懷恐怖。復有五事所生之處。常與佛法衆會。一身奉三寶。勸人令事。二作佛形像。當使鮮潔。三常奉佛教。不犯所受。四普慈。一切與尊正等。如愛赤子。五所受經法。晝夜諷誦。是爲五事。所生之處。常與佛法衆會初不差違。見佛聞法。便得好心。若作沙門。卽得所願。於是長者子辯意。聞佛說是五十事要法之義。欣然歡喜。

逮得法忍。五百長者子皆得法眼淨。

因果 感應緣 一 誌

楚王遊於苑。白猿在焉。王命善射者令射之。數發。猿搏矢而嬉。乃命由基。由基撫弓。則猿抱木而噓。及六國時更羸。謂魏王曰。臣能爲虛發而下鳥。魏王曰。然則射可至於此乎。更羸曰。可。聞鴈從東方來。更泣發而鳥下焉。受報篇 現報部

佛說行七行現報經云。爾時世尊告諸比丘。有七種人。可事可敬。是世間無上福田。一者行慈。二者行悲。三者

行喜。四者行護。五者行空。六者行無相。七者行無願。其有衆生行此七法於現法中。獲其果報。阿難白佛言。何故不說須陀洹。斯陀含。阿那含。阿羅漢。辟支佛。乃說此七事乎。世尊告曰。行慈七人。其行與須陀洹乃至佛等。其事不同。雖供養須陀洹等。不現得報。然供養此人者。於現世得報。是故阿難當勤勇猛。成辦七法。

### 住處部

問曰。未知以何義故。於初禪中。別取梵王。於第四禪中。別取無想天。并五淨居。立爲三有。別於初四禪者。有何

義耶。答曰。有謂彼初禪大梵天者。外道人等。恒計以爲能生萬物之本。違之則受生死。順之則得解脫。又彼梵王亦復自計。已身能爲造化之主。是一是常。是真解脫。如來爲欲破彼情見。是故別標說爲有也。第二無想天者。謂彼天中悉得定壽五百大劫。無心之報。外道人等。於此不達。而復計爲真實涅槃。是故樂修無想之定。求生彼處。如來欲破情見。是故別標說爲有也。第三五淨居者。於中有彼摩醯首羅天王處。外道人等。亦復計彼天王能爲造化之本。歸之則得解脫。爲破此見。是故如

來別標說有。別說之意義於斯顯。問曰。未知於彼六趣之中。四種惡趣各立一有人中。立四天中乃立十七有者何義。答曰。有所謂於彼四惡趣中苦惱多故。衆生不欲樂住情微。是故就趣各立一有人趣次勝衆生樂住心已殷著。是故隨方說之爲四天趣。最勝樂住之情。最爲殷上。是故隨處說處說爲十七。二十五有。

### 罪福篇 福行部

述曰。此明福行者對罪行說。明凡夫修欲界善者。但使亂心修諸事福定生下界名欲界業五道之中皆悉得

起先就地獄說。地獄之人亦有三善業。即是意地三善根。如仙譽國王殺五百婆羅門生地獄中發生信心生甘露國此善不滅生便得之名爲生得善依此善根得起善心。第二畜生龍等亦有修善。如涅槃經佛說時無量鳥獸發菩提心生於天上以其身口七善律儀普於一切衆生處起故薩婆多論畜生以癡鈍故不發律儀若依成論鬼神畜等亦有得戒。如天帝釋多受八戒龍等亦受不局在人。若論色戒諸天上得成下亦得寄起下界善業。如諸梵天見佛禮拜發言讚嘆是其初禪威

儀心起據此所依無記非善第二明色界四禪定業。依身起處若鬼畜中值聖強緣能悟道者亦得修起若就人天以論修色界業所謂無貪無瞋正見若依定心發得禪戒禪戒則是身口七善故得禪時有色十善若就無色諸天以論依毗曇無色界天不得起色界定業。

### 感應緣一驗

唐武德中遂州總管府記室參軍孔恪暴病死一日而癱自說被收至官所問何故殺牛兩頭恪云不殺官曰汝弟證汝殺因呼恪弟弟死亡數年矣既至枷械甚艱

官問汝所言兄殺牛虛實弟曰兄前奉使招慰獠賊使某殺牛會之實奉兄命恪曰使弟殺牛實國事也官曰汝殺會獠以招慰爲功用求官賞何云國事因謂恪弟曰以汝證兄故久留汝兄旣遣殺汝便無罪放任受生言訖弟忽不見亦竟不得言叙官又問恪因何復殺兩鴨恪曰前任縣令殺鴨供官客耳官曰官客自有料無鴨汝以鴨供之非罪而何又問何故復殺鷄卵六枚曰平生不食鷄卵唯憶小年九歲時寒食日母與六卵因煮食之官曰欲推罪母耶恪曰但說其因實自恪殺之

也。官曰汝殺他命當自受之。言訖忽有數十人皆來執  
恪將出去。恪大呼曰官府亦大枉濫官聞之呼還曰何  
枉濫。恪曰生來有罪皆不見遺。生來修福皆不見記。豈  
非濫乎。官問主司。恪有何福。何爲不錄。主司對曰福亦  
皆錄。量罪多少。恪福少罪多。故未論其福。官怒曰。雖先  
受罪。何不唱福示之。命鞭主司一百條。忽鞭訖。血流濺  
地。旣而唱。恪生來所修之福。亦無遺者。官謂恪曰汝應  
先受罪。我更令汝歸七日可勤追福因甦。

欲障

夫論欲過者。謂五欲弊魔六塵惡賊。佛判邪惑。迷障佛  
性。故涅槃經云。衆生五識。雖非一念。然是有漏。復是邪  
倒增長諸漏。爲一切凡夫。取著於色。乃至著識。以著色  
故。則貪心生。乃至爲識所繫縛。以繫縛故。則不免於生  
老病死。憂悲大苦。一切煩惱。

訶欲

智度論云。哀哉衆生。常爲五欲所惱。而求之不已。將墜  
大坑。世人愚惑。貪著五欲。至死不捨。受無量苦。此之五  
欲。得須臾樂。如密塗刀舐者。貪甜不知傷舌。色聲香味。

触禪家正障。若欲修定。皆應棄之。

四生篇 感應緣二驗

晉沙門支遁。字道林。陳留人也。神宇雋發。爲老釋風流之宗。常與其師辯論物類。謂鷄卵生用未足。殺之與諸蜎動不得同罰。師尋亡忽見形來至遁前。手執鷄卵投地。破之見有鷄鵠。出殼而行。遁卽悟悔其本言。

唐相州滏陽縣人。信都元方少有操尚。尤好釋典。年二十九至顯慶五年春正月死。死後月餘。其兄法觀寺僧道傑將一巫者至家。遣求元方與語。具述平生之意。并

詩二首。其書疏大抵勸修功德。及念佛寫經。以爲發生之業。罪之大者。無過於此。

十使篇 述意

蓋聞三界昏寢。皆由十使爲窟宅。六賊攀緣。實因五住爲猛將。致使妄想虛構。惑倒交興。萬苦爭纏。百憂總萃。

會名

初釋名者。一身見二邊見三邪見四戒取五見取六貪七瞋八癡九慢十疑。此之十使生死根本。第一身見者色心相依。名之爲身。凡愚迷此。執爲我人。是知我見生

煩惱之原。故涅槃經云。如大賊欲劫人時。要因內人。六塵賊亦復如是。欲劫善法。要因內有衆生知見。常樂我淨。不空等相。有智之人內無是相。又大寶積經云。如咽塞病。卽能斷命。一切見中。惟有我見。卽時能斷於智慧命也。第二邊見者。如中論說。生滅故不常。相續故不斷。離此斷常。名爲中道。故知因果非定斷常。於現報中。凡愚不觀念。念遷滅。則是常見。不觀念。念新生。則是斷見。若於來報愛未盡著。隨業受生。六道不定。第三明邪見者。謂謗無因果。乖正名邪。一切諸見。皆違理起。如觀佛。

三昧經云。不信因果。斷學般若等重罪。過殺入萬父母罪。此由邪見。感斯重報。故中論云。邪見有二。一言無罪福。無佛賢聖捨善爲惡。二貪著於我。分別有無。故不得涅槃道。第四明戒取者。但諸妄執戒定之人。隨其別執。自有二種。一是獨頭。所謂直取持戒爲道。或取苦行爲道。或取布施爲道。乃至或取入禪定事以爲真道。此等直取所行之事。不知非道。謬執爲道。二是足上。謂有愚人。不解正理。妄立是非。謂已見是。取爲真道。則名戒取。此後戒取。依前見生。前見與後戒取爲本戒取所依。名

爲脚足。第五明見取者。謂取世有漏善法。及有漏果。於內身不淨。謂淨卽獨頭見取。或已見是餘者非。便生心於已見上。後更起心。取前身見。亦名爲足上見取。故俱舍論云。一切有流法。聖人所棄捨此見於境。僻執堅牢。非聖慧刀無由令捨。第六明貪使過者。或愛自身他身。或愛妻子室宅田園。或愛善法。如愛佛菩提等。若依大乘。此皆是使。第七明瞋使過者。大莊嚴論云。身如乾薪。瞋恚如火。未能燒他。先自焦身。又正法念經云。瞋心如火燒一切。戒。瞋是大斧。能破法輪。又華嚴經云。一切惡

中無過是瞋。第八明癡使過者。若依成論。邪心分別。無正慧明。故曰無明。又毗曇論說。無明使有其二種。一者不共。二者相應。言不共者。於四諦理。及色聲香味觸等緣。而不了是獨無明。二相應無明者。一切諸煩惱中。無知之心。與諸使合。名爲相應無明。此無明在善無記中。要觀無性。方得漸除。迷事取性。則成有漏。第九明慢使過者。慢有八種。一直名慢。謂我勝彼。有恃我心。二者大慢。謂於等處自謂爲大。三者慢。謂於上境。謂已勝彼。此過最重。四者不如慢。謂他行德過已彌深。雖不如彼。

凌他多邊五者傲慢。謂於父師長上。不肯恭敬。六者我慢。謂於色心無我法中執我自高。七者增上慢。未得聖而謂已得。於此出世。增上法中起心生慢。入者邪慢。謂無德自高。恃惡凌人。此八慢心。皆悉名爲慢。使煩惱也。第十明疑。使過者。疑有二種。一疑事。如夜見樹。疑爲人等。此諸事疑。若望大乘。是暗妄心。二者疑理。一切世間十使。上界雖無麤現。曉使自餘九使。皆常具有修得定者。雖伏欲結。由有此使。故不得出世界也。

迷理部

述曰。迷理不同。良由衆生無始時來流轉生死。不能斷漏。得出世界。致令十使煩惱。是能障業。四真諦法。是所障理。言四諦者。一苦。二集。三滅。四道。生滅無常。理實是苦。逼迫行者。名爲苦諦。諦是實義。審爾不謬。故稱爲諦。有漏善惡。皆能生果。理是因集。名爲集諦。煩惱盡處。名之爲滅。理實不生。名爲滅諦。觀理除壅。此實不虛。名爲道諦。若依毗曇論云。身見邊見。唯迷苦諦。依身苦報。計斷。計常。是故邊見亦迷苦生。是故身見不依集起。知集

非我不名迷集邊見依身亦不依集若論戒取迷苦及道謂精勤苦行能斷生死不知事中苦身是道身苦非是聖道是故戒取有迷苦者有迷道者不迷於集滅是聖果若論邪見見取及疑邪見者謗無因果該凡及聖是謂通迷見取者於自身報取爲第一卽爲迷苦於是善業計爲第一卽名迷集若取梵天無想天等以爲涅槃名爲迷滅於彼戒取所言之道取爲第一名爲迷道因之與果不知有無生疑不決故苦集非道識觀是道方斷戒取正識滅道以爲第一不將有漏以爲勝好知

世可厭方斷見取以見四諦不生疑謗證信決定方斷絕疑邪是故身邊戒見邪之迷理而生還見理斷不將塵境色聲等事以爲我人計斷常等故雖正識色聲等事不斷我心乃至疑使若論貪嗔癡慢四使通障見修皆迷理事謂依見起則名迷理若依事生則名迷事故見理時彼瞋則斷依見起癡不知見過後見理時彼癡則斷依見起慢恃見自高後見理時彼慢則斷是故貪等依見起者亦是迷理見理方斷所言貪等依事起者謂依塵境色聲香等於此起貪纏綿難斷故見理時仍

有未斷後更修道數數漸除。瞋慢癡等。依事皆爾。此明十使。述理不同。

### 斷障部

述曰。此十使煩惱。斷有難易。諸惑難識。易斷貪等四使。易識難除。難識者。謂凡常述理。易斷者。入理即盡。若依諸經教人入道。多直說觀生滅無我。則斷諸結出離生死。又如經說緣覺性人。不解四諦法門名字。直藉事緣觀生無我。便斷諸結。過諸聲聞於此直作無我。觀中雖不作其四諦別解。如此觀時。具有四諦。謂彼所觀。有漏報身。念念生滅。是理苦集。從前名苦。生後名集。知無我時。即是見苦。爾時無我。卽斷事集。所斷不生。即是證滅。此能觀智。即是聖道。是故直觀無我之時。具有四諦。斷結得出。不要別觀。四諦方出。故成論引經說言。如甄叔迦經中說。種種得道因緣。非但以四諦得道。故知入道不要別觀。總無我一行亦得。若能明見身心無我。則是見道。斷諸見惑。但諸見惑。約諦分別三界。令說有八十。若學修善者。皆知厭貪瞋癡慢。於其我心及執戒等。不學是過。是故難識。如涅槃釋我見戒取。及以疑等一。

切衆生於戒取中。不見其過。故使爲結。若學觀身心。生滅分見。無我煩惱薄時。卽知觀智是斷法道。心中六使。自然永無。謂知色心生滅。非入則無我心邊見。自斷以觀見理。議聖道故。正信無疑。謗無自斷。智慧是道。戒等非勝。則無戒取見取。自斷是故。六使難識。易斷以難識。故無始來迷。以易斷故。解理則盡。不同貪等易識。難斷以易識故。人多不執。以難斷故。那舍亦有。是故智人學修業者。惟修觀解。除迷入道。若學觀行。雖昧名凡。少解理時。卽無妄取。若不學解。恒迷道法。雖修諸善。不除邪果。

執非直妄執。自不能出多謗正法。及行道者。以其迷心未識邪正。不知他是。不與已同。卽謂已是。說他爲非。是故迷人心無道法。多依世善。妄執相非。故俱舍論云。在家由取五塵故。與在家起鬭爭。出家由取諸見。各不同故。與出家起鬭爭。又成論云。若人持戒取爲清淨。名戒取結。卽謂所取以爲真實。餘皆妄語。名見取結。又戒取是出家人縛。諸欲是在家人縛。又戒取者。雖復種種行出家法。空無所得。又因此戒取能謗正道。及行正道者。又戒取是諸外道起憍處。知戒取等。是世善招生死果。

故名隨苦。非真道法。此名十使。斷有難易。

殺生部 感應緣三驗

梁時有人常以鷄卵白和沐。云使髮光。每沐輒破二三十枚。耶臨終但聞髮中啾啾數千鷄卵之聲。

唐京兆殷安仁家富。素事慈門寺僧。以義寧元年初有客寄其家。停止客盜他驢於家殺之。驢皮遺安仁家。至貞觀三年。安仁遂見一人於路。謂安仁曰。追汝使明日至汝當死也。安仁懼。徑至慈門寺。坐佛殿中。經宿不出。明日果有三騎。并步卒數十人。皆兵杖入寺。遙見安仁

呼出。安仁不應。而念誦逾進。鬼相謂曰。昨日不卽取今日修福如此。何由可得。因相與云。留一人守之。守者謂安仁曰。君往日殺驢。今訴君。使我等來攝君耳。安仁遙答曰。往者他盜自殺驢。但以皮與我耳。倩君還爲我語驢。我不殺汝。然今又爲汝追福。於汝有利。當捨我也。此人許諾。曰。驢若不許。我明日更來。如其許者。不來矣。言畢而出。明日遂不來。安仁於是爲驢追福。而舉家持戒。菜食云。

唐顯慶年中。長安城西路剛店上有家新婦。誕一男。月

滿日親族慶會。買得一羊欲殺。羊數向屠人跪拜。屠人報家內大小不以爲徵。遂卽殺之。將肉釜煮令產婦抱兒看煮。抱兒前火釜忽然自破。釜湯衝灰火直射母子。母子俱亡。親族及隣人見者莫不酸切。俱斷酒肉。量辛遺物。感應緣二驗。

隋大業八年。宜州城有一家姓皇甫。居家兄弟四人。並勤事生業。其第二弟名遷。於後一時。母在堂內取六十錢。欲令市買。且置牀上。母向舍後。其遷從外來入堂。左右顧視。不見人。便偷錢將出私用。母還覓錢。不得不

知兒將去。遂鞭打合家大小。大小皆怨。至後遷亡。託胎家內母豬腹中。經由三五月。產一豬子。次年八月。社至。得錢六百文。賣社家。於夜。以鼻觸婦。昏夢云。我是汝夫。爲取婆六十錢。枉及合家。浪受楚檣。令我作豬償債。今將賣與社家。縛我欲殺。汝是我婦。何忍不語。婦夢忽寤。仍未信之。復眠。還夢如是。婦驚着衣。向堂報姑。姑已起坐。還夢同婦。兒女亦同此夢。母令遷兄并兒持錢一千二百文。馳騎急去。去舍三十里。曠猪社家不肯憑一有識解信。敬人委曲贖得。旣得猪已。驅向野田。兄語猪

云汝審是我弟。汝可急前還家。猪遂馳走在前還舍。  
 唐長安市里風俗每至歲元日已後。遞作飲食相邀。號  
 為傳坐。東市筆生趙大次當設之。有客先到。向後見其  
 碑上有童女年可十三四着青裙白衫以汲索繫頸泣  
 泣謂客曰我主人女也。往年未死時盜父母百錢欲買  
 脂粉未及而死。其錢今在厨舍內西北角壁中。然我旣  
 以盜之。坐此得罪。今當償命。言畢化爲青羊白頭。客驚  
 告主人。主人問其形貌。乃是小女。死已二年矣。於厨壁  
 取得百錢。似久安處。於是送羊僧寺合門不復食肉。

## 邪淫部

第一明貪欲滋多如火益乾薪薪火猶離捨愛火燒世  
 間纏綿不可捨。第二明觀女不淨汝身自莊嚴華香以  
 璥珞。凡夫所貪愛智者所不惑。第三明女人難親可厭  
 女人最爲惡難與爲因緣恩愛一縛着牽人入罪門。又  
 智度論云菩薩觀種種不淨於諸衰中女衰最重。火刀  
 雷電霹靂怨家毒蛇之屬獨可暫近女人慳妬瞋諂舐舐  
 穢鬪爭貪嫉不可親近。

感應緣一驗

晉桓道愍者。譙人也。晉隆安四年喪婦。道愍內顧甚篤。纏痛無已。其年夜始寢。視屏風上見有人。手驚起炳炬。乃其婦也。形貌莊飾。具如生平。愍了不畏懼。遂引共臥。言語往還。陳叙存亡。愍曰。卿亡來初無音影。今夕那得忽還。答曰。欲還何極。人神道殊。各有司屬。無由自任耳。新婦生時差無餘罪。止因疑君憐愛婢使。以此妬忌之心。受報地獄。始獲免脫。今當受生爲人。故來與君別也。愍曰。當生何處。可相尋不。答曰。但知當生。不測何處。一爲人世。無容復知宿命。何由相尋求耶。至曉涕泗而別。

惡口部

凡夫毒熾。恚火常然。逢緣起障。觸境生瞋。乖菩薩之苦心。違如來之慈訓。故業報差別。又百緣經云。爾時世尊初成佛。便欲教化諸龍王。徃至須彌山下。現比丘形。端坐思惟。時有金翅鳥王入大海中。捉一小龍。還須彌頂。方欲食啗。時彼小龍。命故未斷。遙見比丘端坐思惟。至心求哀。尋卽命終。生舍衛國波羅門家。名曰賀梨。端正殊妙。世所希有。因爲立字。名須菩提。年漸長大。智慧聰明。無有及者。唯甚惡性。凡所眼見人及畜生。則便瞋罵。

百十金

卷之二

三

父母親屬皆共厭患無喜見者。遂便捨家入山林中。乃見鳥及草木。風吹動搖亦生瞋恚終無喜心。時有山神語須菩提言汝今何故捨家來此山林之中。旣不修善則無利益。虛自疲苦。今有世尊在祇洹中有大福德能教衆生修善斷惡。今若至彼必能除汝瞋恚惡毒。時須菩提聞山神語至祇洹中見佛世尊三十二相八十種好光明普曜如百千日心懷歡喜前禮佛見却坐一旁佛卽爲說瞋恚過惡愚癡煩惱燒滅害根增長衆惡後受果報墮在地獄備受苦痛不可稱計。設復得脫或作

龍蛇羅刹鬼神心常含毒更相殘害時須菩提聞世尊說是語已心驚毛豎尋自悔責卽於佛前懺悔罪咎豁然獲須陀洹果佛卽聽許。善來比丘鬚髮自落法服着身便成沙門精進修習得阿羅漢果諸天世人所見仰敬兩舌部感應緣一驗

唐咸陽有婦女姓梁貞觀年中死經七日而蘇自云被人收將至一大院內。兄有大廳有一官人據案執筆翼侍甚盛令人勘問云此婦女合死不。有人更齋一案勘云與合死者同姓名所以追耳官人勑左右卽放還梁

白官人云不知梁有何罪請卽受罪而歸官人卽令勘案云梁生平惟有兩舌惡罵之罪更無餘罪卽令一人括舌一人執斧斫之日常數四凡經七日始送令歸初似落深崖少時如睡而覺家人視其舌上猶大爛腫

### 墮貪部

故攝論云慳惜是多財障嫉妒是尊貴障又衆生起貪無過色財第一愛色多過如有人性愛好華不見華莖毒蛇過患卽便前捉捉已蛇蟄蟄已命終墮三惡道第二於財生貪貪財致禍大苦所惱乖背道俗失於親疎

故智度論云財物是種種煩惱罪業因緣若持戒禪定智慧種種善法是涅槃因緣又大莊嚴論云我曾昔聞舍衛國中佛與阿難曠野中行於一田畔見有伏藏佛告阿難是大毒蛇阿難白佛是惡毒蛇爾時田中有一耕人聞佛阿難說有毒蛇作是念言我當視之沙門以何爲惡毒蛇卽往其所見真金聚而作是言沙門所言是毒蛇者乃是好金卽取此金還置家中其人先貧衣食不供以得金故轉得富饒衣食自恣王家恠其卒富而糺舉之繫在獄中先所得金旣已用盡猶不得免將

加刑戮。其人唱言。毒蛇阿難。惡毒蛇世尊。傍人聞之。以  
狀白王。王喚彼人而問之曰。何故唱言毒蛇阿難。惡毒  
蛇世尊。其人白王。我於往日在田耕種。聞佛阿難說言。  
毒蛇惡毒蛇。我於今日方乃悟解。王聞此說。遂放去之。  
佛告王曰。過去久遠有迦葉佛入涅槃後。時一長者生  
舍衛國作田家子。有辟支佛來詣其家。而從乞食。時此  
長者便持食施。辟支得食。飛空而去。長者見已。作是誓  
願。持此善根。使我世世所生之處。不墮三塗。常多財寶。  
布施已後。復生悔心。後所生處。雖處富貴。不得食此極

富之樂。如盧至長者經云。昔佛在世時。舍衛城中有一  
長者名盧。至其家臣富財產無量。由於往昔施勝福。田  
故獲斯報。然其施時不能志心。故今雖富。意長下劣。  
所着衣裳垢弊不淨。食則糠菜以充其餓。渴唯飲水。行乘  
朽車。勤營家業。猶如從僕。常爲世人所笑。後於一時城  
中人民大作節會。盧至見已。便生念言。彼旣歡會。我亦  
當爾。卽疾歸家。自開庫藏。取得五錢。用兩錢買麪。兩錢  
沽酒一錢。買葱一把。衣衿裹之。齋出城外。趣一樹  
下。見多象馬。恐來搏撮。卽詣塚間。復見豬狗尋更逃避。

至空靜處。酒中鹽薑和麩飲之。時復嚙葱。卽時大醉。醉已起舞。揚聲而歌。我今節慶會。縱酒大歡樂。逾過毗沙門。亦勝天帝釋。時值帝釋與諸天衆。欲至佛所。遇見盧至醉舞而歌。罵辱於我。我當惱之。卽變已身作盧至形。往到其家。聚集母妻衆婢眷屬。於母前坐。而白母言。我於前後有大慳鬼。隨逐於我。使我慳惜。不着不啗。不與眷屬。皆由慳鬼。今日出行。值一道人。與我好。呢。得除慳鬼。然此慳鬼。與吾相似。彼若來者。當好行棒。其必詐稱我是盧至。一切家人。莫信。急當閉門。慳鬼倘來。待我所。

咸言盧至。汝今云何欲何所爲。盧至云。願爲我證。我欲見王。王聞愍念語。傍人言知其意者當代道之。傍人答王。不知何人形貌相似。至其家中。詐稱盧至。家人皆信。散用財物。一切蕩盡。家人不識。打棒驅出。反如路人。王聞遣使喚相似者。並立王前。王見二人相貌言笑。一切相似。王謂後者是其盧至。語前者言。我是盧至。彼非盧至。王問後者。盧至慳貪。汝好惠施。云何稱言是盧至耶。卽答王言。我聞佛法慳貪之者。墮餓鬼中。百千萬歲。受饑渴苦。恐怖因緣。故捨慳貪。王言實爾。如似垢衣灰洗。

卽淨煩惱。垢心聞法。卽除。王見是已。卽別二人。置於異處。各造條牒。親屬頭數。種種財物。速書將來。二人持盡隱密之事。及以書迹。悉皆相似。王不能別。王喚母問。母語王言。此是我兒。彼非我子。是慳鬼也。王復問母。頗見身上瘡癩。里子私密之事可識。不母答王言。兒在脅下有小瘡癩。猶小豆許。王遣脫衣高舉臂看。見兩瘡癩。大小相似。王見大笑。惟未曾有。深自克責。一切衆生愚暗。所覆不別其僞。如此之事。唯佛能了。卽以二人置於象上。共至佛所。請決所疑。爾時世尊語帝釋言。汝作何事。

帝釋卽滅盧至身相還復本形種種光明合掌向佛。佛語帝釋一切衆生皆有罪過宜應放捨佛語盧至汝還歸家。看汝財物盧至白佛所有財物帝釋用盡歸家何爲。帝釋語言我不損汝一毫財物盧至語言我不信釋唯信佛語以信佛故卽便得須陀洹果又百緣經云佛在王舍城迦蘭陀竹林爾時目連在一樹下見一餓鬼身如燋柱腰如太山咽如細針炭如錐刀纏刺其身諸支節間皆悉火然渴乏欲死唇口乾燋欲趣河泉變爲涸竭假令天降甘露墮其身上皆變爲火目連卽問業

緣爾時世尊告目連言此賢劫中波羅奈國有佛出世號曰迦葉有一沙門涉路而行極患熱渴時有女人名曰惡見井傍汲水住從乞水女報之曰使汝渴死我終不與。於時沙門既不得水服道而去時彼女人有來乞者終不施與其後命終墮餓鬼中以是業緣受如是苦邪見部

又中阿含經云佛告比丘若凡愚人作身惡行口惡行意惡行命終之後生於惡趣泥犁之中受極苦痛而不命終要令惡盡乃得出耳地獄罪畢生於種種畜生之

中常處暗冥。共相啗食。受苦無量。畜生罪畢。或生人中。  
貧窮下賤。爲他役使。形貌醜陋。根殘缺。或復短命。若  
作惡業。身死還生在泥犁中。輪轉無窮。佛告比丘。若智  
慧人身作善行。口善行。意善行。命終生於善處。天上一  
向受樂。如轉輪王與七寶俱。人間四妙。佛告比丘。此爲  
樂不比丘。答佛一寶一妙。猶爲極樂。何況七寶四妙居  
耶。

七卷本

## 醒世錄卷八

編輯

武原居士徐昌治覲周  
金粟寺住持行元百癡

校閱

### 六度篇 布施部

如涅槃經云。菩薩凡行施時。不見受者。持戒破戒。是田  
非田。此是知識。此非知識。施時不見是器。非器。不擇日  
時。是處非處。亦復不計饑饉豐樂。不見因果。此是衆生。  
此非衆生。是福非福。雖復不見施者受者。及以財物。乃  
至不見斷及果報。而常行施。無有斷絕。菩薩若見持戒

破戒乃至果報終不能施。若不布施則不具足檀波羅蜜。若不具足檀波羅蜜則不能成阿耨菩提。又淨業障經云。若菩薩觀慳及施。不作二相持戒毀戒。不作二相瞋恚忍辱。懈怠精進亂心禪定愚癡智慧。不作二相是則名爲淨諸業障。又佛說太子須大拏經云。佛告阿難。過去不可計劫時有大國名爲葉波其王號曰溫波王。有二萬夫人。了無有子。王自禱祠諸神。夫人便覺有身。至滿十月。太子便生。字爲須大拏。至年十六。書藝悉備。少小以來。常好布施。太子年大。王爲納妃。名曼抵。國王

女也。端正無比。太子有一男一女。太子自惟。欲作檀波羅蜜。出城遊觀。帝釋化作貧窮聾盲瘡瘍人。悉在道邊。太子見已。愁憂不樂。太子白王。欲從大王乞求一願。不審聽不。王答欲願何等。不違汝意。太子言。我願欲得大王中藏所有珍寶。置四城門外。及著市中。以用布施。在所求索。不逆其意。王語太子。恣汝所欲。太子卽輦珍寶。著四城門外。及著市中。恣人所索。八方上下。莫不聞知。千里萬里來者。恣意與之。時有敵國怨家。聞太子好喜布施。卽會諸臣。及衆道士。共集議言。葉波國王有行蓮

華上白象。名須檀延者。多方健鬪。每與諸國共相攻伐。此象常勝。誰能往乞者。有婆羅門道士八人。白言。我能够往乞。當給我糧。王卽給之。八人卽詣葉波國。至太子宮門。悉皆柱杖。俱翹一脚。住自言。遠來欲有所乞。太子聞之。甚大歡喜。便出迎之。前爲作禮。因相慰勞。問何所求。道士答言。我聞太子布施。名流八方。上徹蒼天下。入黃泉。布施之功德。不可量。欲從太子乞行蓮華上白象。太子卽將至廄中。令取一象。道士等八人言。我正欲得行蓮華上白象。名須檀延者。太子言。此大象是我父王之。

所愛重。若與卿者。我卽失父王意。或逐我出國。太子卽自思。惟我前有要在。所布施不逆人意。今不與者。違我本心。若不以此象施者。何從得成無上平等。卽勑左右。被象金鞍。疾牽出來。太子左手持水澆道士手。右手牽象以授與之。歡喜而去。太子語道士言。卿速疾去。王若知者。便追奪卿。道士八人。卽便疾去。國中諸臣聞以象施怨家。皆大驚怖。王聞愕然。今得天下。有此象故。此象勝於六十象力。而太子用與怨家。恐將失國。當如之何。太子如是布施。中藏日空。恐舉及其妻子。皆以與人。王

共諸臣議之。將欲種種刑罰太子。有大臣白王不可。但逐出國置野田山中。十二年許。當使慚愧。王卽徙太子著檀特山。十二年。太子白王。復願布施七日。展我微心。乃出國去。王言汝正坐布施太劇。空我國藏。失我敵寶。故逐汝耳。促疾出去。不聽汝也。太子白言。不敢違戾大王教令。我自有財。願得布施。盡之乃去。二萬夫人共詣王所。請留太子。布施七日。乃令出國。王卽聽之。四遠來者。恣意與之。七日財盡。貧者得富。萬民歡喜。太子辭妻妃。聞愕然。太子何故乃當是乎。太子具答因緣。是故逐

我。曼抵言。使國豐溢。富樂無極。但當努力。共於山中求索道耳。太子言。人在山中恐怖之處。汝快惰樂。何能忍是。妃答太子。我終不能相離也。王者以旛爲幟。火者以烟爲幟。婦者以夫爲幟。我但依怙太子。若有來乞丐者。我當應之。乃至有人索求是物之者。隨太子所施。太子言。汝能爾大善。太子與妃及其二子。共至母所辭別。欲去。母聞。感激悲哀。語傍人言。我身如石。心如剛鐵。奉事大王。未曾有過。今有一子。而捨我去。我心何能不破而死。太子與妃及二子。俱爲父母作禮而去。二萬夫人以

真珠各一顆。以奉太子。四千大臣。以七寶奉上太子。太子從宮出城。悉施四遠。卽時皆盡。國中大小數千萬人。共送太子。觀者皆悉垂淚而別。太子與妃俱載。自御而去。前去已遠。止息樹下。有婆羅門來乞馬。太子卽卸車以馬與之。以二子著於車上。妃於後推太子步挽而去。適前行。復逢婆羅門來乞車。太子卽以車與之。適前行。復有婆羅門來乞。太子言。我不於卿有所愛惜。我財物皆盡。婆羅門言。無財物者與我身上衣。太子卽解與之。更著一故衣。適前行。復逢婆羅門來乞。太子以妃衣服。

與之轉前行。復逢婆羅門來乞。太子以兩兒衣服與之。太子布施車馬錢財衣服了盡。初無悔心。太子自負其兒妃抱其女。步行而去。去葉波國六千餘里。行在澤中。大苦饑渴。忉利帝釋卽於廣澤化作城郭伎樂衣食。彌滿城中。有人出迎太子。便可於此留止。妃語太子可止此不。太子言。父王徒我著檀特山中。於此留者。違父王命。卽便出城。顧視不復見城。到檀特山。山下有水。深不可度。妃語太子。且當在此。須水減乃度。太子言。父王徒我著山。於此住者。違父王教。太子慈心。水中有山。以堰

斷水塞衣而度。前到山中。見山嶽岑。樹木繁茂。百鳥悲鳴。流泉清池。美水甘果。太子語妃觀。是山中亦有學道者。太子入山。果有一道人。名阿周陀。年五百歲。太子作禮。却住。自言。今在山中。何許有好果泉可止處耶。阿周陀言。是山中者。並是福地。所在可止。但此山中清淨之處。卿云何將妻子來。而欲學道乎。太子未答。曼抵卽問道人言。在此學道。爲幾何歲。道人言四五百歲。曼抵言。計有吾我。何時得道。道人言。我實不及此事。太子卽問道人言。頗聞葉波國王太子須大拏不。道人言。我數聞。

之。但未見耳。太子言。我正是須大拏也。道人問太子所求。何等。太子答言。欲求摩訶衍。道人言。功德乃爾。今得摩訶衍。不久也。太子得無上道時。我當作第一神足弟子。道人卽指語太子所止處。太子卽以法道結頭編髮。以水果爲飲食。卽作草屋。男女別處。男名耶利。年七歲。着草衣。隨父出入。女名剎拏。延年六歲。着鹿皮衣。隨母出入。山中禽獸。皆悉歡喜。來依附太子。空池皆生泉水。枯木皆生華葉。諸毒皆消。果樹並茂。太子男女在於水邊。與禽獸共戲。太子言。願令衆生。皆得度脫。無復生老。

病死之苦。帝釋言。大哉所願無上。所願特尊。非我所及。王卽遣使促迎太子。以王命告太子。太子答言。王徙我山中。一十二年爲期。今猶一年在年滿當歸。使還白土。王更作手書以與太子。汝是智人去時當忍來時亦忍。云何恚我不還。太子得書。頂戴作禮。郤繞七匝。便發視之。山中禽獸。聞太子還。跳踉宛轉。自撲號呼。泉爲空竭。禽獸爲不乳。百鳥皆悲鳴。太子與妃俱還本國。敵國怨家。聞太子當還。卽遣使者裝被白象。金銀鞍勒。以金鉢盛銀粟。銀鉢盛金粟。送於道中。以還太子。辭謝悔過言。

前乞白象。愚癡故耳。坐我之故。逐徙太子。今聞來還。內懷歡喜。今以白象奉還太子。願垂受納。太子答言。譬如有人設百味食。持有所上。其人嘔吐在地。豈復香潔可更食。不今我布施。譬亦若嘔。還終不受。速乘象去。謝汝國王。苦屈使者。遠相勞問。於是使者卽乘象還。白王如是。因此象故。敵國之怨化爲慈仁。國王及衆臣等皆發無上平等道意。父王乘象出迎太子。太子便前頭面作禮。從王而歸。國中人民莫不歡喜。散華燒香。以待太子。太子入宮。卽到母前。頭面作禮。而問起居。王以寶藏付

太子恣意布施。轉勝於前。布施不休。自致得佛。

法施

智度論云。佛說施中法施第一。益財施有量。法施無量。財施欲界報。法施出三界報。財施不能斷漏。法施清升彼岸。財施但感人天報。法施通感三乘果。財施唯能施者得福。法施通益能所財施但益色身。法施能利心神。又月燈三昧經云。佛言若有菩薩行於法施。有十種利益。一棄捨惡事。二能作善事。三住善人法。四淨佛國土。五趣詣道場。六捨所愛事。七降伏煩惱。八於諸衆生施。還得應時果報。

福得分九於諸衆生修習慈心。十見法得於喜樂。  
財施

增一阿含經云。爾時世尊告諸比丘。應時之施。有五事。一者施遠來人。二者施遠去人。三者施病人。四者儉時施。五者初得新果蓏。若穀食等。先與持戒精進人。然後自食。是故欲行此五施。當念隨時施。若應時淨施者。還得應時果報。

勸持戒 感應緣一驗

隋江州廬山化城寺釋法充。俗姓畢。九江人也。常誦法

華大品。末住廬山半頂。化城寺修定。自非僧事。未嘗安  
履。每勸僧衆無以女人入寺。上損佛化。下墮俗謠。然以  
寺基事重。有不從者。充歎曰。生不值佛。已是罪緣。正教  
不行。義須早死。何慮方土不奉戒乎。遂於此山香鑪峯。  
自投而下。誓粉身骨。用生淨土。便於中虛頭忽倒垂。冉  
冉而下。處於深谷。不損一毛。寺衆不知。後有人上峯頂  
路。望下千有餘仞。聞人語聲。就而尋之。乃是充也。身命  
猶存。口漏如故。迎還至寺。乃斷女人出入。

忍辱部 勸忍

又攝論經云。由觀五義。以除瞋恚。一觀一切衆生。無始  
已來。於我有恩。二觀一切衆生恒念念滅。何人能損。何  
人被損。三觀唯法無衆生。有何能損。及所損。四觀一切  
衆生皆是受苦。云何復欲加之以苦。五觀一切衆生皆  
是我子。云何於中欲生損害。由此五觀。故能滅瞋。

又遺教經云。能行忍者。乃可名爲有力大人。又云見人  
之過。口不得言。已身有惡。則應發露。書云聞人之過。如  
聞父母之名。又云施人慎勿念。受施慎勿忘。

精進部 策修

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

又六度集經云佛告弟子當勤精進聽聞諷誦莫得懈怠陰蓋所覆吾念過去無數劫時有佛名一切度王是時衆中有兩比丘一名精進辦一名德樂止共聽法精進辦者聞經歡喜應時卽得阿惟越致神通具足德樂止者睡眠不覺獨無所得時精進辦謂德樂止言佛者難值億百千世時乃一出當勤精進爲衆善本如何睡眠時德樂止聞其教詔卽便經行於祇樹間甫始經行復住眠睡時精進辦便以善權往而度之化作蜂王飛趣其眼如欲螫之時德樂止驚覺而坐畏此蜂王須臾

復睡時蜜蜂王飛入腋下螫其胸腹德樂止驚心中懷憇不敢復睡時泉水中有雜色華種種鮮潔時蜜蜂王飛住華上食甘露味德樂止端坐視之畏復飛來不敢睡眠卽得不起法忍解諸法本又法句喻經云昔有比丘日至城外曠野塚間路由他田達過其王見已便興瞋恚此何道人日此往來在吾田中縱橫往來乃成人蹤道人報言吾有鬪訟來求證人故行田中田主宿緣鉤連應蒙得度便逐道人私匿從行見曠塚間屍骸狼藉脣脹臭爛鳥獸食啗散落異處或有食啗盡不盡者

似灰鵠色者。疽蟲呻嗽。臭穢難近。比丘舉手語彼人曰。此諸鳥獸是我證人。其人問曰。此諸鳥獸何爲證人。汝今比丘與誰共諍。比丘報曰。心之爲病多諸漏患。我觀此散分別惡露。自觀身從頭至足。與彼無異。然此心意流馳萬端。追逐幻爲聲色香味細滑之法。我今欲誠心之源。本汝心當知。興起是念。無令將吾入地獄餓鬼之中。我今凡夫未脫諸縛。然此心賊。不見從命以是之故。日往曠野。爲說惡露不淨之想。復與心說。心爲率暴亂錯不定心。今當改無造惡緣時。彼田主聞道人教。以手

揮淚哽咽難言。然彼田主於迦葉佛十千歲中修不淨想。尋時分別三十六物。惡露不淨。爾時比丘及彼田主卽彼曠野大畏塚間。得須陀洹道。又法句喻經說云。昔有清信士供養三寶。初無厭極。因得疾病。醫藥加治不能得差。時婦在邊悲哀痛苦。共爲夫婦。獨受斯痛。卿設無常我何所依。兒女孤單。何所恃怙。夫聞悲戀應時卽死。冤神還在婦鼻中化作一蟲。婦甚啼哭。不能自止。時道人往與婦相見。知僭命過。鼻中作蟲。故欲諫喻。令損愁憂。婦見道人來。增益悲哀。時婦湧鼻蟲。便墮地。婦卽

慚愧。欲以腳踏道人。告曰。止止莫殺。是卿夫婿化作此蟲婦。白道人我夫奉經持戒精進。何緣壽終墮此蟲中。道人答曰。用卿恩愛悲哀呼嗟。起恩愛心。戀慕愁憂。用是壽終卽墮蟲中。道人爲蟲說經。卿精進奉經持法。福應生天。在諸佛前。但坐恩愛戀慕之想。墮此蟲中。亦可慚愧。蟲聞其言。心開意解。卽得上生。

### 感應緣二驗

晉始豐赤城山有法猷。燉煌人少居苦行。習禪定。後遊江左。止剡之石城山。乞食坐禪。嘗到一蠱家乞食。猷呢

臘竟。忽見蜈蚣從食中跳出。猷快食無他。後移始豐赤城山。石室坐禪。有狼虎數十蹲在猷前。猷誦經如故。一虎獨睡。猷以如意扣虎頭。訶何不聽經。俄而群虎皆去。有頃。壯蛇競出。大者十餘圍。循環往復。舉頭向猷。經半日。復去。後一日。神現形語猷曰。法師威德既重。來止此山。弟子輒推室以相奉。猷曰。貧道尋山。願得相值。何不共住。神曰。弟子無爲不爾。但部屬未狎法化。率難制御。遠人來往。或相侵觸。人神道異。是以去耳。猷曰。本是何神。居之久近。欲移何處去耶。神曰。弟子夏帝之子。居於

此山二千餘年韓石山是家男所治當往彼住尋還山陰廟臨別執手贈猷香三盞於是鳴鞭吹角陵雲而去赤城山有孤巖獨立秀出千雲猷搏石作梯昇巖宴坐接竹傳水以供常用禪學造者十有餘人王羲之聞而故往仰峯高挹致敬而返赤城巖與天台瀑布靈溪四明並相連屬而天台懸崖峻峙峯嶺切天古老相傳云上有往時精舍得道者居之雖有石橋跨澗而橫石斷人且莓苔青滑自終古以來無有得至者猷行至橋所聞空中聲曰知君誠篤今未得度郤後十年自當來也

猷心悵然夕留中宿聞行道唱布薩聲且復欲前見一人鬚眉皓白問猷所止猷具答意公曰君生死身何可得去吾是山神故相告耳猷乃退還

宋沙門僧規者武當寺僧也時京兆張瑜常請規在家供養永初元年十二月五日規無病忽暴死二日而瑜說云五更中聞門巷間曉曉有聲須臾見有五人炳炬火執信旛逕來入屋便以赤繩將去行至一山都無草木山側左右白骨填積俄至一城有屋數十屋前有立木長十餘丈上有鐵梁形如桔槔左右有匱貯土土有

品數。有一人衣幘並赤。語規曰。汝生世時有何罪福。依實說之。赤衣人如局吏云。可開簿檢其罪福也。有頃。吏至長木下。提一匱土。懸鐵梁上。稱之。如覺低昂。吏謂規曰。此稱量罪福之秤也。汝福少。罪多。應先受罪。俄有一人衣冠長者。謂規曰。汝沙門也。何不念佛。我聞悔過可度入難。規於是一心稱佛。衣冠人謂吏曰。可更爲此人稱之。既是佛弟子。幸可度脫。吏乃復上匱。稱之。稱乃正平。又有一人。朱衣玄冠。佩印綬。執玉板來。曰。筭簿上未有此人名也。監官愕然。命左右收錄云。須臾見反縛向。

五人來。監官曰。殺鬼何以濫將人來。乃鞭之。少頃。有使者稱天帝喚道人來。既至帝宮。經見踐歷。皆金寶精光晃昱。不得凝視。帝左右朱衣寶冠飾以華珍。帝曰。汝是沙門。何不勤業。而爲小鬼。橫收捕也。規稽首。諸佛祈恩。請福。帝曰。汝命未盡。今當還生。宜勤精進。勿屢遊白衣家。殺鬼取人。亦多在濫。規曰。橫濫之厄。當以何方而濟。免之。帝曰。廣設福業。最爲善也。若不辦爾。可作八關齋。生免橫禍。死離地獄。語畢。遣規去。因還瑜家而蘊。

夫神通勝業。非定不生。無漏慧根。非靜不發。故經曰。深修禪定。得五神通。心在一緣。是三昧相。書亦有言。當使身如枯木。心若死灰。攝心一處。便是功德叢林。散意片時。卽名煩惱羅刹。

引證

如法句經心意品說云。昔佛在世時。有一道人在河邊樹下學道。十二年中。貪想不除。走心散意。但念六欲目色耳聲鼻香口味。身受心法。身靜意遊。曾無寧息。佛知可度。化作沙門。往至樹下共宿。須臾月明。有龜從河中

來至樹下。復有水狗餓行求食。與龜相逢。便欲啗龜。龜縮其頭尾。及其四腳。不能得啗。水狗小遠。復出頭足。行步如故。於是道人問化沙門。此龜有護命之鎧。水狗不能得其便。化沙門答言。吾念世人不如此。龜不知無常放恣六情。外魔得便。形壞神去。生死無端。轉輪五道。苦惱百千。皆意所造。宜自勉勵。求滅度安。

頭陀

夫五欲蓋經。並是禪障。既能除弃。其心寂靜。堪能修道。故明十二頭陀。少欲知足。無過此等。西云頭陀。此云抖

檄能行此法。卽能抖檄煩惱去。離貪著。一盡行乞食。二受阿練若。三着糞掃衣。四一坐食。五常坐。六食後不受非時飲。七但有三衣。八毳衣。九隨敷坐。十樹下住。十一空地住。十二死人間住。

感應緣

二驗

隋益州響應山寺禪法進爲禪禪師弟子。於竹林坐禪。有四老虎繞於左右。師後教爲水觀。家人取柴見繩床上有好清水。拾兩白石安著水中。進暮還寺。彌覺背痛。具問家人云。安石子語令明徃所除此石。及旦進禪家。人還見如初。清水卽除石子所苦便愈。

唐長安普光寺僧慧融。字圓照。俗姓張氏。南陽人也。幼而精進。不犯微惡。少年落髮。卽樂禪伍。常隱居泰山。後奉勅入京。住普光寺。時遊終南山。逢雪深厚。不能得進。忽有一虎近前。弭耳俯伏。慧融知其意。乃乘之。虎遂負融而上。常有雙鳥於山林中。前行引路。至永徽初。寺僧於慧融房舍上。見五色光起。及於山中焚身。肌骨總銷。惟心不爛。

智慧部 感應緣

三驗

唐襄州紫金寺釋慧稜。姓申屠。凡有法論。皆令覆述。吐

言質朴。談理入微。時人同號得意稜也。至貞觀十四年正月半。襄州有感通寺。祀法師曰。夢見閻羅王。請稜公欲講三論。祀公講法華如何。稜曰。善哉。慧稜發願。常處地獄。教化衆生。講大乘經。旣有此徵。斯願畢矣。至十月半黃昏時。遂覺不愈。告弟子曰。吾五臟已崩。無有痛所。四更起坐。告寺主寶度曰。憶年八歲。往龍泉寺。借觀音未至者。闍已講三徧。皎如目前。說言未訖。外有大聲告曰。法師早起燒香。使人卽到。度曰。何人。答曰。閻羅王。使迎稜法師來。卽起燒香洗浴。懺悔禮佛訖。還房中。與度

別。食粥未了。便取一生私記焚之。至小食時。異香忽來。稜歛容便卒。

唐京師會昌寺。釋空藏姓王氏。先祖晉陽。今在雍州之新豐縣。母初孕之日。自然不食酒肉。葷辛不嘗。旣誕之後。靈鑒日陳。情用高遠。讀誦經論。恩存拔濟。聰勤無比。日誦萬言。至年長大。總誦經論三百餘卷。抄摘衆經。大乘要句。十有餘卷。流行於世。賢劫千佛日禮二徧。春夏方等。常坐不臥。寸陰不虧。

唐蕭氏。是司元大夫崔義起妻。蕭鏗女也。蕭氏爲人妬。

忌多瞋。好打僕婢。不信業報。至麟德元年。從駕洛陽。到二年正月身亡。死在地獄。蕭氏手下常所愛婢。名閨玉。年可十八。容貌端正。性識聰敏。信樂佛法。至二月。家內爲夫人設三七日齋。僧正食時。夫人自來看。枷項鎖腰。獄卒衛從。餘人不知。唯此婢見。夫人靈著此婢。言音共夫人生平語音無異。使傳語向家內大小云。吾適崔家已來。爲性多瞋。橫生嫉妬。好打僕婢。兼不信因果。今至地獄受罪極重。備經諸苦。聞家內今三七日。爲吾設齋。請求獄官放一日假。暫來看齋。語汝男女。合家大小。吾

自共汝同住已來。身三口四。意怒三毒。好瞋打汝。兼嫉妬大夫所看婢妾。種種不善。發起惡業。今受報苦。願汝男女合家大小。内外眷屬。從汝懺悔。願施歡喜。然汝男女憶吾乳餵之恩。將吾平生受用資具。速捨修福。望拔冥苦。至七七日。爲我設齋。令此功德。早得成就。吾至齋日。更請官人。望得復來。語大夫及兒女等。大夫生平忿性多瞋。不得過分瞋打侍婢。勸信三寶。恭敬上下。修持齋戒。臨去之時。語男女云。吾且將閨玉去。使在地獄。看吾受罪苦痛如何。經五六日放回來。令汝男女知吾受

罪苦痛虛實作此語已閏玉卽死唯心上暖身臥在地此婢卽至地獄見一大殿院門嚴兵守衛云是王殿行至東院別見一廳上有大官人云是斷罪官復過廳院東有地獄夫人語婢云汝看吾受罪之苦卽有種種獄卒羅刹朴擲夫人屠割身肉鑊湯煎煮煮已還活活已復歷諸獄鐵鉤抽舌鐵鳥啄之復臥鐵床飛鳥猛火一時著身死已還活活已復受諸苦夫人蘓已卽見其父蕭鏗乘紫金蓮華座騰空而來鏗生平已來及歷任諸官皆不食酒肉葷辛常誦法華經日別一徧恭敬三寶汝不信因果今受罪苦未知此婢性識何如吾欲教誦經使傳家內令世人生信夫人報云請師但教此婢師

80

1 2 3 4 5 6 7 8 9 100

卽先教金剛般若。初受二三行。漸得一紙半紙。復教誦藥師法華。一受不忘。此之三部。皆作梵音。文詞典正。音韻清亮。文句皆熟。卽已放歸。語云。汝至家內逢人爲誦。令覓婆羅門善梵語者。試看誦之。見女獵婢。尙能誦得三本梵經。豈可不生信心。倘得一人廻邪入正。非但夫人得福。亦令汝後報不入三塗。受語至家。醒了如舊。卽集家內尊卑。具說夫人地獄罪苦。卽臥地。作夫人在地獄受苦之事。或云看夫人吞熱鐵丸。閉口咽之。口赤腹熱如火。或云看夫人受鐵犁耕舌。出舌二三尺餘。或云齊戒不絕。

懺悔篇 引證部

如量妙初教經云。佛告舍利弗。我憶往昔。有一比丘。名

曰欣慶犯四重禁來至僧中。九十九夜。懺悔自責。罪業卽滅。戒根卽生。

### 會意部

問經說懺悔能滅罪業云何。唯說觀理智心能滅諸業。釋言懺悔有二。一是迷心依事。懺悔謂佛像行道禮敬。發願要期。斷除事惡。二是智心依禮。懺悔謂觀身心。斷除結使。但所造業有輕有重。若論輕業。事懺亦滅。若論重業。有轉者亦能轉重令輕。又大寶積經云。百千萬劫。久習結業。以一實觀。卽皆消滅。又諸法無行經云。若善。

薩能見一切衆生性。卽涅槃性。則能畢竟滅障罪故。又普賢菩薩經云。觀心無心。從顛倒想起。如此想心。從妄想起。如空中風。無依止處。故知善惡取性作相。由未悟理。非無妄業。後若悟理。前業卽滅。如正觀理時。當思諸障本唯空寂。恒與諸佛同一真性。但無明障厚。不能覩見。以不見故。恒於佛前破戒違道。十惡五逆。無過不爲。猶如一堂延及凡聖。在堂供養。有多盲人。以無目故。遂於衆前具造諸惡。時有智人愍之不已。語盲人曰。此堂具有凡聖僧衆。汝云何對之公然造惡。盲人聞已。慚愧。

怖畏謝過無地。遂卽伸意敬白合堂師衆。少來失明。雖與師等同在一堂。不能覩見。今因善友開導。始知有師。今從合堂師等求哀懺悔。此盲人雖自無眼。不見僧衆。然知僧衆先皆見已。受其懺悔。我等亦然。昔造罪時。恒在佛前。今欲悔過。了知諸佛悉皆已見。但一切諸佛三達靈智。五眼明照。知無不盡。莫問遠近内外明闇。如掌觀珠。隨機赴感。不差時也。又知罪緣無有自性。但以妄想因緣虛受是苦。故維摩經云。心垢故衆生垢心淨。故衆生淨。妄想是垢。無妄想是淨。罪性不在內。不在外。不

在中間。如其心然。無始以來。所造諸惡。猶如闇室。懺悔正解。狀若明燈。一照昏闇皆除。

### 儀式部

懺悔總有四種。一更相易脫懺。是凡夫下等懺法。二永斷相續懺。是上品凡夫懺法。三燋業懺。是賢人懺法。四滅業懺。是聖人懺法。前二是事中懺。敵對而除。然此業性常在以熏成種故。如人斫樹。但去枝條。其根仍在。後二懺悔。要須緣空悟理。心境虛融。常須作意。見諦漸修。然後得滅。常依善友發大誓願。臨命終時。亦得隨願往。

生十方淨土。永離三惡。  
歸命十方一切佛。頂禮無邊淨覺海。亦禮妙法不思議。  
真如自性清淨藏。住於極愛一子地。得道得果諸聖人。  
我以身口清淨意。戒各歸命稽首禮。

### 洗懺部

如舍利弗悔過經云。佛言若有善男子。善女人。欲求阿羅漢道。欲求辟支佛道。欲求佛道者。欲知去來之事者。常以平旦日中日入人定夜半鶴鳴時。澡漱正衣服。叉手禮拜十方自在所向。當悔過言某等宿命從無數劫以來。所犯過惡。至今世所犯。婬泆所犯。瞋恚所犯。愚癡。

不知佛時。不知法時。不知比丘僧時。不知善惡時。若身有犯過。若口犯過。若心犯過。若意欲害佛。嫉惡經道。若鬪比丘僧。若殺阿羅漢。若自殺父母。若犯身三口四意三。自殺生。教人殺生。自行盜。教人行盜。自欺人。教人欺人。代其喜等。諸所作過惡。願從十方諸佛求哀悔過。今世不犯此過殃。後世亦不被此過殃。佛語舍利弗。若善男子。善女人。意不欲入三塗者。諸所作皆當悔過。不當覆藏。不欲生邊地。無三寶處。乃至欲得三乘道果者。皆當悔過。不當覆藏。若有人供養天下阿羅漢。辟支佛。滿

毛不如持悔過經於晝夜各三過讀一日其得福勝百倍千倍萬倍億倍

感應緣二驗

晉沙門慧達姓劉名薩荷河西離石人也未出家時長於軍旅好畋獵年三十暴病而死體尚溫未殮至七日而癟說云將盡之時見有兩人執縛將去向西北行路轉高稍得平衢兩邊列樹見有一人執弓帶劍當衢而立指語兩人將荷西行見屋舍甚多白壁赤柱荷入一家有女子美容服荷就乞食空中聲言勿與之也

有一人從地踊出執鐵杵將欲擊之荷遽走歷八十許家見一嫗乘車與荷一卷書西至一家館宇華整有嫗坐於戶外屋內床帳光麗竹席清几復有女子處之間荷得書來不荷以書卷與之女取餘書比之俄見兩沙門謂荷汝識我不荷答不識沙門曰今宜歸命釋迦文佛荷如言發願因隨沙門俱行遙見一城色甚黑蓋鐵城也見人身甚長大膚黑如漆頭髮曳地沙門曰此獄中鬼也其處甚寒有冰如席飛散著人頭頭斷著腳脚斷二沙門云此寒水獄也荷便識宿命知兩沙門往稚

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

衛佛時並其師也。作沙彌時以犯俗罪不得受戒。世雖有佛竟不得見。從再得人身。一生羗中。今生晉中。又見從伯在此獄裡。謂荷曰。昔在鄴時不知事佛。見人灌像。聊試學之。而不肯還直。今故受罪。猶有灌福。幸得生天。次見刀山地獄。次第經歷。觀見甚多。俄見金色暉明皎然。見人長二丈許。相好嚴華。體黃金色。左右並曰觀世音大士也。皆起迎禮。荷作禮畢。菩薩具爲說法。可千餘言。荷作禮而別。出南大道。廣百餘步。道邊有高坐高數十丈。有沙門坐之。左右僧衆列倚甚多。有人執筆。北面。

而立謂荷曰。在襄陽時何故殺鹿。跪答曰。他人射鹿。我加創耳。又不斂肉。何緣受報。時卽見襄陽殺鹿之地。草樹山澗忽然滿目。所乘黑馬。並皆能言。悉證荷殺鹿。年月日時。荷懼無對。須臾有人以叉叉之。投鑊湯中。自視四體。潰然爛碎。有風吹身聚小岸邊。還復全形。執筆者復問汝。又射雉。亦常殺雁。言已。又投鑊湯。如前爛法。受此報已。乃遣人送荷。遙見故身。意不欲還。送人推引。久久乃附形蘊活。奉法精勤。遂卽出家。

梁楊都宣武寺沙門法寵。姓馮。南陽冠軍人也。年三十。

入正勝寺法願道人善通樊許之術。謂寵曰。君年滿當死。無可避處。唯祈誠諸佛懺悔。先愆排脫。或可與耳。寵因引鏡驗之。見面有黑氣。於是貨賣衣鉢資餘。併市香供。飛舟東逝。直至海鹽。居在光興閑房禮懺。柱絕人物。晝忘食息。夜不解衣。迄至四十歲暮之夕。忽覺兩耳腫痛。癰生怖懼。其夜懺達四更。聞戶外有人言曰。君死業已盡。遽卽開戶。都無所見。明晨僉言黑氣都除。兩耳乃是生骨。斯實由懺蕩之殷。故使延壽也。

受戒篇

又舊雜譬喻經云。昔釋迦佛。往到第二忉利天上。爲母說經。時有一天。壽命垂盡。卽自思惟。壽終之後。當棄天樂。下生拘夷那竭國。受瘡癩母猪腹中作子。甚預憂愁。不知何計得免此罪。有天語言。今佛在此。爲母說經。佛爲三世一切之救。唯佛能脫重罪。卽到佛所。稽首作禮。未及發問。佛告天子。一切萬物。皆歸無常。汝素所知。何爲憂愁。天白佛言。雖知天福不可得久。恨離此座。當爲母猪。以是爲毒。佛言。欲脫猪身。當三自歸。如是日三天。從佛教。晨夜自歸。於後七日。天命壽盡。至維那離國。作

長者子在母腹胎日。三自歸如生。墮地亦跪自歸。其母免身。又無惡露。母傍侍婢怖而弃走。母亦深恠兒墮地語。謂之熒惑。意欲殺之。具白長者所由父言止。此兒非凡。人生百歲。尚不曉歸。况兒墮地能自稱佛。好養視之。無令輕慢。兒遂長大。七歲與其輩頻於道邊戲。時佛弟子舍利弗。目乾連。適過兒傍。兒言我和尚舍利弗等。驚恠小兒能禮比丘。兒言道人不識我耶。佛於天上爲母說經。我時爲天。當下作猪。從佛受教。自歸得人。比丘卽爲呪願。因請佛及僧供養畢訖。佛爲說法。父母及兒。

内外眷屬應時皆得阿唯越致。

### 神衛

歸佛有三神。一名陀摩斯那。二名陀摩婆羅那。三名陀摩流支。歸法有三神。一名法寶。二名呵責。三名辯意。歸僧有三神。一名僧寶。二名護衆。三名安隱。

殺戒有五神。一名波吒羅。二名摩那斯。三名婆喚那。四名呼那咤。五名頗羅咤。盜戒有五神。一名法善。二名佛那。三名僧喜。四名廣額。五名慈善。

婬戒有五神。一名貞潔。二名無欲。三名淨潔。四名無染。五名蕩滌。妾戒有五神。一名美音。二名寶誦。三名廣直。四名直答。五名和合語。

飲酒戒有五神。一名清素。二名不醉。三名不亂。四名無失。五名護戒。

### 八戒會名

諸經論中何名八關齋。亦名關戒耶。答曰前入是關閉入惡不起諸過。不非時食者是齋。齋者齊也。謂禁止六情不染六塵。齊斷諸惡。具修衆善也。

### 功能

如齋法經云。譬如天下十六大國。滿中衆寶。不如一日受佛齋法。比其福者。則十六國爲一豆耳。又中阿含經云。多聞聖弟子持八支齋時。憶念如來十號名字。若有惡思。不善皆滅。又優婆塞戒經云。若有人以四大寶藏。滿中七寶。持布施人。所得功德。不如有人。一日一夜。受持八戒。除五逆罪。餘一切罪。皆悉消滅。又智度論問曰。白衣居家。唯有此五戒。更有餘法耶。答曰。有一日戒。六齋日持。無量功德。若十二月十五日受持此戒。福最多。何也是。日鬼神逐人。欲奪人命。劫初聖人。教人持齋。修善治福。以避凶哀。是時直以一日不食爲齋。後佛出世。始教一日一夜。如諸佛受持八戒。過中不食。是功德。

### 三聚部 戒相

大聖度人功唯在戒。凡論戒，樞要有三。一在家戒，謂五戒。八戒是二出家戒。謂十戒二百五十戒是三道俗通行戒。謂三聚戒是。然此三聚復有三種。一者戒種，種性是二者戒心。菩提心四無量是三者戒行。六度四攝是然此度攝若隨威像則名三聚。若依行位乃稱爲七。就德位遂號七地及十三住。

### 優劣

居家持戒。凡有四種。若爲現樂怖畏惡名或避苦役求離諸難。是爲下人持戒。若爲世間福樂堅持禁戒。是爲實相。是爲上人持戒。

中人持戒。若爲諸法無常欲求離苦無爲常樂涅槃。是爲上人持戒。若爲憐愍衆生專求佛道。了知諸法深觀實相。是爲上上人持戒。

### 感應緣

三點

晉盧山釋慧永姓潘河內人也。貞素自然清心克己。言常含笑語不傷物。耽好經典。善於講說。樂住盧山與遠同止。又別立一茅室於嶺上。每欲禪思。輒往居焉。時有至房者。並聞殊香之氣。永屋中常有一虎人或畏者。輒驅令上山。人去後還復循伏。至晉義熙十年遇疾危篤。

而專謹戒律。執志愈勤。雖枕痾苦。而顏色怡悅。少時忽歛衣合掌。求屣欲起。如有所見。衆咸驚問。答云佛來。言終而卒。道俗在山咸聞異香。七日乃歇。

隋終南山悟真道場釋淨業。漢東隋人也。精研律部。博綜異聞。仁壽二年。被舉送舍利於安州景藏寺。初欲行於十力寺置之。行至景藏寺。忽感異香滿院。衆共嗟恆。因而樹立。將下舍利。赤光挺出。照於人物。寺重閣上。聞衆人行聲。及往掩捕。局閉如初。塔北有池。沙門淨範。爲諸道俗受菩薩戒。乃有羣魚遊躍。首皆南向。似受歸相。

範卽乘船入水。爲魚授戒。魚皆廻頭遶船。如有聽受。都無有憚。業慶其遇。乃以舍利置於佛堂。先有塗菩薩一軀。不可移動。至明乃見廻首。面向舍利。狀類天然。

唐華州鄭縣人張法義。年少貧野。不修禮度。於貞觀十一年入華山伐樹。遇見一僧坐巖穴中。法義便就與語。會天晦冥。僧設松柏末以供食之。謂法義曰。貧道久不欲外人知。檀越出。慎勿言相見。因爲說俗人多罪累。死背惡道。至心懺悔。可以滅之。乃令淨浴清淨。披僧衣。爲懺悔。旦而別去。至十九年。法義病死。埋於野外。貧無棺

柳以雜木瘞之。而蘿自推木出歸家。家人驚愕。審問知活。乃喜。法義自說。初有兩人來取。乘空行至官府。入大門。又巡巷南行十許里。巷左右皆有官曹。門間相對。法義至一曹。官曰。將法義過錄事。錄事署發文書。令送付判官。判官召主典。取法義案。案簿甚多。盈一床。主典對法義前。批檢云。案簿多先朱勾畢。有未朱勾者。則錄之。曰。貞觀十一年。法義父使刈禾。義反顧張目私罵。不孝。合杖八十。始錄一條。卽見昔巖穴中僧來。判官起迎。問何事。僧曰。張法義貧道弟子。其罪並懺悔訖。天曹案中。

已勾畢。今枉追來不合死。主典云。經懺悔者已勾了。至如張目罵父。雖懺未勾。僧曰。若不如此。當取案勘之。應有福利。仰判官令。主典將法義過王宮。僧亦隨至王所。王起迎。僧曰。有弟子張法義被錄來。此人宿罪。並貧道勾訖。未合死。主典又以張目視父事過王。王曰。張目懺悔此不合免。然師來請。可特放七日。法義白僧曰。七日既不多。後來恐不見師。請卽住隨師。師曰。七日七年也。可早去。法義固請隨僧。僧因請王筆。書法義掌中。作一字。又請王印印。曰可急去還家。憑福報。後來以掌印呈

王。王自當放汝也。法義乃辭去。僧令送出。至其家內。正黑義不敢入。使者推之。遂活。因入山就山僧修福。義掌中所印之處。文不可識。然皆爲瘡。

破戒篇引證

又百喻經云。昔有國王。有一好樹。高廣極大。當生勝果。香而甜美。時有一人來至王所。王語之言。此之樹上。將生美果。汝能食不。卽答王言。此樹高廣。雖欲食之。何由能得。卽便斷樹。望得其果。旣無所獲。徒自勞苦。後還欲堅。樹已枯死。世間之人。亦復如是。如來法王。有持戒樹。

修諸功德。不解方便。反毀其禁。

感應緣二驗

宋沙門智達者。益州索寺僧也。行頗流俗。而善經唄。年二十三。宋元徽三年六月。病死。身暖不燄。遂經三日。能言始困。之時。見兩人。皆着黃布袴褶。一人立於戶外。一人逕造床前。曰。上人應去可下地也。達曰。貧道體羸不堪涉道。此人復曰。可乘舉也。言卒而舉至。達旣昇之。意識恍然。四望極目。但覩荒野。途逕艱危。至於朱門。牆闢甚。華達入至堂下。堂上有一貴人。朱衣冠幘。據床坐。不

有威容。左右兵衛百許人。貴人見達。乃歛顏正色謂曰。出家之人。何宜多過。達曰。有識已來。不憶作罪。問曰。誦戒廢不達。曰。初受具足之時。實常習誦。比逐齋講。恒事轉經。故於誦戒。時有虧廢。復曰。沙門時不誦戒。此非罪何。可且誦經。達卽誦法華經三契而止。貴人勑所錄。達使人曰。可送至惡地。勿令太苦。二人引達將去。行數十里。稍聞轟磕鬧聲沸火。而前路轉闊。次至一門。高數十丈。色甚堅黑。達自念經說地獄。此其是矣。乃大恐怖悔。在世時不修業行。及大門鬧聲愈壯。門裡轉闊。無所接。

見時火光乍滅乍揚。見有數人反縛前行。後有數人執杖杖之。血流如泉。其一人乃達從伯母。彼此相見。意欲共語。有人曳之殊疾。不得欵言。入門二百步許。見有一物。形如米囤。可高丈餘。二人執達擲置囤上。囤裡有火。燔燒達身。半體皆爛。痛不可忍。自囤墜地。悶絕良久。二人復將達去。見有鐵鑊十餘。皆煮罪人。人在鑊中。隨沸出沒。鑊側有人。以杖刺之。諸鑊皆滿。唯有一鑊尚空。二人謂達曰。上人卽時應入此中。達聞其言。肝膽塗地。乃請之曰。君聽貧道一得禮佛。便至心稽首。願免此苦。祈

悔特至。既而四望無所復見。唯覩平原茂樹。風景清明。忽不覺還就身時在索寺也。齋戒逾堅。禪誦彌固。宋沙門釋曇興。白衣時年三十。忽暴疾而亡。經七日方活。說初亡時。見兩人驅將去。使輦米。伴輦可有數千人。晝夜無休息。見二道人云。我是汝五戒本師來慰問之。師詣官主云。是貧道弟子。且無大罪。曆筭未窮。卽見放遣。二道人送典至家。住其屋上。具約示典。可作沙門勤修道業。言訖下屋。道人推典著屍蘓後出家。

受齋篇 感應緣 二 聰

宋京師道林寺有沙門僧迦達多。博通經論。以禪思爲業。元嘉初來遊宋境。常在山中坐禪。有羣鳥銜果飛來授之。達多思惟。昔獮猴奉蜜。佛亦受而食之。今飛鳥授食。便食之。

高齊初沙門實公者。嵩山高枯士也。旦從林向白鹿山。因迷失道。日將中。忽聞鐘聲。尋響而進。巖岫重阻。登陟而趣。乃見一寺。獨據深林。三門正南。赫奕輝煥。前至門所。看額云靈芝寺。門外五六犬。其犬如牛。白毛黑喙。或蹲或臥。以眼盼實。實怖將返。須臾。番僧外來。實喚不應。

亦不廻顧。直入門內。犬亦隨入。良久。實見無人。漸入次門。屋宇四周。房門並閉。進講堂。唯見床榻高座。儼然。實入西南隅。床上坐。久之。忽聞棟間有聲。仰視。見開孔如井大。比丘前後從孔飛下。遂至五六十人。依位坐訖。自相借問。今日齋時。何處食來。或言豫章。成都。長安。隴右。荊北。嶺南。五天竺等。無處不至。動卽千萬餘里。未後一僧。從空而下。諸人孰問來。何太遲。答曰。今日相州城東彼岸寺。鑒禪師講會。各各堅義。殊爲可觀。不覺遂晚。寶本事鑒爲和上。旣聞此語。望得參話。希展上流。整衣將

起。咨諸僧曰。鑒是實和上。諸僧直視。忽隱寺所。獨坐磐石。柞木之下。向之寺宇。一無所見。唯觀岩谷。禽鳥翔集。喧亂切心。出以問尙。統法師。尙曰。此寺名趙時佛圖。滋法師所造。年歲久遠。賢聖居之。非凡所住。或汎或隱。遷徙無定。今山行者猶聞鐘聲。

破齊篇 感應緣

一喻

唐。隴西李思一。今居相州之澇陽縣。貞觀二十年正月已亥。經日而蘓。至永徽三年五月又亥。經一宿而蘓。說云。年命未盡。蒙王放歸於王前。見相州澇陽縣法觀寺。

僧辦珪。又見會福寺僧弘亮及慧寶三人並在王前辨答。見冥官云慧寶死期未至宜修功德。辦珪弘亮今歲必死。辦珪等是年果相繼卒。後寺僧令一巫者就弘亮舊房召二僧問之。辦珪曰我爲破齋今受大苦。兼語諸弟子等曰爲我作齋。救拔苦難。弟子輩卽爲營齋。巫者又云辦珪已得免罪。弘亮云我爲破齋。兼妄持人長短。令被拔舌痛苦不能多言。

賞罰篇 引證

如百喻經云昔有二人共種甘蔗而作誓言。種好者賞

其不好者當重罰之。時二人中一者急言甘蔗極甜。若壓取汁還灌甘蔗樹必得勝。旣取汁漑與望滋味反敗種子。所有甘蔗一切都失。世人亦爾。欲求善福。恃己豪貴。倚形挾勢。逼脅下民。陵奪財物。用作福善。反獲其殃。

感應錄 一驗

晉富陽縣令王範有妾桃英。殊有姿色。遂與閤下丁豐史華期二人奸通。範常出行不還。帳內都督孫元弼聞丁豐戶中環珮聲。覩視見桃英與同被而臥。元弼叩戶叱之。桃英卽起攬裙理鬢躡履還內。元弼又見華期帶

珮桃英麝香。二人懼元弼告之。乃共謗元弼與桃英有私。範不辦察。遂煞元弼。有陳超者。當時在座。勸成元弼罪。後範代還。超亦出都看範。行至赤亭山下。值雷雨日暮。忽然有人扶超腋逕曳將去。入荒澤中。電光照見一鬼。面甚青黑。眼無瞳子。曰吾孫元弼也。訴冤皇天。早見申理。乃今相遇。超叩頭流血。鬼曰王範爲事主。當先殺之。賈景伯孫文度在太山玄堂下。共定生死名錄。桃英冤鬼亦收在第三地獄。名女青亭。此黃泉下專治女鬼。皆投至天明。失鬼所在。超至楊都詣範。未敢說之。便見

鬼從外來。逕入範帳。至夜範始眠。忽然大吠。連呼不醒。妾亦暴亡。超走長干寺。易姓名爲何規。後五年三月三日。臨水酒酣。超云。今當不復畏此鬼也。低頭便見鬼影已在水中。以手搏超。鼻血大出。可一升許。數日而殂。

利害篇 引證

又僧護經云。爾時舍衛國中有五百商人。欲入大海。共議求覓法師。衆中有一長者。告諸商人。我有門師。名曰僧護。可請爲師。爾時世尊知僧護比丘廣度衆生。即使聽許。時諸商人與僧護法師俱入大海。未至寶所。龍王

捉住時諸商人甚大驚怖。互跪合掌而仰問言。是何神祇而捉船住。若欲所須應現身形爾。時龍王忽然現身。曰。以此僧護比丘與我。商人答曰。從佛世尊及舍利弗所而請將來。云何得與龍王。曰。若不與我。盡皆殺汝。時諸商人卽大驚怖。俛仰不已。僧護比丘捨與龍王。龍王將詣宮中。卽以四龍作僧護弟子。龍王白言。尊者爲我教此四龍。第一龍者。教增一阿含。第二龍者。教中阿含。第三龍者。教雜阿含。第四龍者。教長阿含。僧護卽教第一龍者默然聽受。第二龍者眠日口誦。第三龍者廻顧。

聽受第四龍者遠住聽受。此四龍子於六月中誦四阿含領在心懷。盡無遺餘。時大龍王詣僧護所。僧護曰。受持法者無軌則心。不如佛法受持誦習。龍王白言。大德不言。呵諸龍等。所以者何。以護師命故。作此聽龍有四毒。初默受者以聲毒故。若出聲者必害師命。第二閉目受者以見毒故。若見師者必害師命。第三廻顧受者以氣毒故。若氣噓師必害師命。第四遠住者以触毒故。若身触師必害師命。時商人採寶廻還。至失師處。共相謂言。我等本時於此失師。今若還到佛所。問我僧護法師。

何在。當以何答。爾時龍王知商人還。卽持僧護來付商。人時諸商人踊躍歡喜。平安得出。

感應緣一驗

後魏崇真寺僧慧凝。死經七日時。與五比丘次第於閻羅王所閻過。凝以錯召放令還活。具說王前事。如生官無異。五比丘者。一云是寶明寺僧智聰。自云生來坐禪苦行爲業。得昇天堂。一云是般若寺僧道品。自云誦涅槃經四十卷。亦昇天堂。有一比丘。云是融覺寺僧曇謨。最云講華嚴涅槃。恒常領衆千人解釋義理。王言講經衆僧我慢貢高。心懷彼我。慚已凌物。付司卽有青衣十人送。最向於西北。入門屋舍皆黑。復一比丘。云是禪林寺僧道弘。自云教化四葦檀越。造一切經。人中金像十軀。王言沙門之體。必須攝心道場。志念禪誦。勤心念戒。教化求財。貪心卽起。三毒未除。付司隨有青衣執送與最全入一處。又有比丘。云是靈覺寺僧寶真。自云未出家之前。曾作西隴太守。自知苦空。歸依三寶。割捨家資。造靈覺寺。寺成。捨官入道。雖不禪誦禮拜。不闕。王曰。卿作太守。曲情枉法。劫奪人財。假作此寺。非卿之力。亦復

付司送入黑門。

穢濁篇 五辛部

如楞伽經云。佛言大慧如是。一切葱薑薤。蒜臭穢不淨。能障聖道。亦障世間天人淨處。酒亦如是。又雜陁含經云。不應食五辛。何等爲五一者木葱。二者華葱。三者蒜。四者興渠。五者蘭葱。

感應緣 一驗

唐殿中侍御監孫廻璞濟陰人也。至貞觀十三年。從王車駕幸九成宮。三善谷與魏太師隣。夜二更。聞外有人

喚孫侍郎聲。璞起出看。謂是太師之命。既出見兩人。謂璞曰官喚。璞曰我不能步行。卽取馬乘之。隨二人行。如晝日光明。二人引璞出谷。歷朝堂東。又東北行。至省宿谷。遙見有兩人持韓鳳方行。語所引璞。二人曰汝等錯。我所得者是汝。宜放。彼人卽放璞。璞循路而還。卽至家。繫馬見婢當戶眠。喚之不應。入戶見其身與婦並眠。欲就之不得。但著南壁立。大聲喚婦。終不應。屋內極明。見壁角中有蜘蛛網中二蠅。一大一小。并見梁上所著藥物。無不分明。唯不得就床。自知是死。甚憂悶。恨不得共

妻別。倚立南壁久之。微睡忽驚覺。覺身已臥床上。而屋闌黑無所見。喚婦令起。然火。璞方大汗。起視蜘蛛網。歷然不殊。見馬亦大汗。鳳方是夜暴死。後至十七年。璞奉勅馳驛。往徐州療齊王祐疾。還至洛州東孝義驛。忽見一人來問曰。君是孫延璞不。璞曰。是。君何問焉。答曰。我是鬼耳。魏太師有文書。追君爲記室。因出文書示璞。璞視之。則鄭國公魏徵署。璞驚曰。鄭公不死。何爲遣君送書。鬼曰。已死矣。今爲太陽都錄太監。故令我召君。璞引坐共食。鬼甚喜。謝璞。又請曰。我奉勅未還。鄭公不宜追。

我還京奏事畢。然後聽命可乎。鬼許之。於是晝則同行。夜則同宿。行至滋水。與璞別曰。待君奏事訖。相見也。君可勿食葷。辛璞許諾。旣奏事畢。訪鄭公已薨。核其薨日。則季義驛之前日也。璞自分必死。與家人訣別。而請僧行道。造像寫經。可六七日。夜夢前鬼來召。引璞上高山。山巔有大宮殿。旣入。見衆君子迎謂曰。此人修福。不得留之。可放去。卽推璞墮山。於是驚悟。

## 便利部

## 感應緣

二驗

宋京師瓦官寺有釋慧果。婺州人。少蔬食苦行。宋初遊

京師止寺誦法華十地。嘗於廁前見一鬼致敬於果。云昔爲衆生作維那。小不如法。墮在噉糞鬼中。法師德素高明。願助拔濟之方。又云昔有錢三千文。埋在柿樹根下。願取以爲福。果卽告衆掘取。錢三千文。爲造法華一部。并設齋。後夢見此鬼云。以得改生。

唐陳郡謝弘敬妻高陽許氏。武德初年。遇患死。經四日而蘇。說云。被二三十人抱至地獄。未見官府。卽聞喚。雖不識面。似是姑夫沈言。光語音。許問云。語聲似是沈丈。何因無頭。吉光卽以手提其頭。置於牕上。而語許曰。汝

且在此間。勿向西院。待吾爲汝造請。卽應得出。遂與語處而住。經再宿。吉光始來。語許云。汝今此來。王欲令汝作女伎。倘引汝見。須道不解絃管。可引吾爲証。少間有吏抱案引入。王果問解絃管不。許云不解。復云沈吉光具知。王問吉光。答云不解。王曰。宜早放還。不須留也。於時吉光欲發遣。執案人云。娘子功德力雖強。然先有少罪。隨便受却。身業俱淨。豈不快哉。更別引入一大院。其門極小。見有人受罪。許甚驚懼。乃求於主者曰。生平修福。何罪而至斯耶。答曰。娘子曾以不淨盃。盛食與親。須

受此罪。遂以銅汁灌口。非常苦毒。比蘓時。口內皆爛。光卽云。可於此人處受一本經。記取將歸。受持勿怠。自今已去。保年八十有餘。許生曾未誦經。蘓後遂誦得經一卷。訪詢人間。所未曾有。吉光尚存。後二年方遇害。

酒肉篇 感應緣

六 驗

晉有荊州長沙寺釋法遇。弱年好學。篤志墳典。事道安爲師。解悟非常。乃避地東下。講說衆經。受業者四百餘人。時有一僧飲酒。遇但罰而不遣。安公遙聞之。以竹筒盛一荆子。手自緘封。題寄遇。遇開封見杖。卽曰。此由飲

酒也。我訓領不勤。遠賚憂賜。卽命維那鳴椎集衆。以杖置香橙上。行香畢。遇乃起出衆前。向筒致敬。於是伏地令維那行杖三下。內杖筒中。垂淚自責。時境內道俗。莫不嘆息。因之學徒勵業甚衆。

宋蔣小德。江陵人也。爲丘州刺史。朱循聽事監。少而信向勤謹。過人。得病而死。夜三更。將殮。便蘓活。言有使者稱王命召之隨去。旣至。王曰。君精勤小心。虔奉大法。宜速生善地。而君筭猶長。且還家作功德。七日復來。受天中快樂。小德受言而歸。路由一處。有小屋殊陋弊。逢新

寺難公於此屋前。其相問訊。難云貧道自出家來。未常飲酒。且就蘭公。蘭公苦見勸逼。飲一升許。被王召罰。若不坐此。當得生天。今乃居此弊宇。三年演方得上耳。小德至家。卽遣人參訊。難公果以此日於蘭公處睡臥。至夕而亡。小德旣愈。七日內大設福供。至期奄然而卒。周武帝好食鷄。每一食數枚。有監膳儀同。常進御食。有寵。隋文帝卽位。猶復監膳進食。開皇中暴死。三日乃蘇。語云始見人來喚。隨至一處。有大地穴。纔到穴口。遙見西方有百騎來。儀衛如王者。俄至穴口。乃周武帝也。儀

同拜之。帝曰。王喚汝。証我事耳。汝身無罪。言訖。卽入穴中。使者亦引儀同入庭前。見武帝與王同坐。王問儀同。曰。汝爲帝作食。前後進白團幾枚。儀同答曰。實不記數。王謂帝曰。此人不記。當須出之。帝慘然不樂而起。忽見庭前有鐵床。并獄卒數十人。皆牛頭人身。帝已臥床上。獄卒用鐵梁壓之。帝兩脇剖裂處。鷄子全出。俄與床齊。可十餘斛。帝謂儀同云。爲我相聞。大隋天子。昔與我共食。倉庫玉帛。亦我儲之。我今爲滅佛法。極大受苦。可爲吾作功德。於是文帝勑天下人出一錢。爲追福焉。

後隋大業中。雍州長安縣有一人姓趙。名文若。死經七年得活。說云。當死之時。見人引向閻羅王所。問文若生時作何福業。文若答王。受持金剛般若經。王嘆曰。善哉。此福第一。汝雖福善。且將示汝受罪之處。令人引文若北行十步。至一牆孔。隔壁有人。引手從孔中捉文若頭。引出牆外。見大地獄。鑊湯苦具。罪人受苦。乃有衆多猪羊鷄魚鵝鴨之屬。競來從文若索命。文若云。吾不食汝身。何故見逼。諸畜生等各報云。汝某年某月某處食我。頭脚四支節節分張。何故諦之。文若見畜引實。不敢

拒逆。唯知一心念佛。深悔諸罪。但求諸畜得活之時。具修福善。報謝諸畜。見許修福。一時放却。其引使人。將文若至王所。說見受罪處訖。王付一椀釘。令文若食之。并用五釘。釘文若頭及手足。然後放過。文若得療。極患頭痛。及手足疼。久後修福。痛漸得差。從爾已來。精勤誦持金剛般若。不敢遺漏寸陰。併見道親疎。並勸受持唐冀州頓丘縣。有老母姓李。無子孤老。唯有小婢家鎮。沽酒添灰。少量分毫。經紀貞觀年中。因病氣斷。死經兩日。蘓活。口云。初有兩人。並着赤衣。門前召出之。便卽隨

去行至一城。有若州郭引到側院見一官人衣冠大袖懸案而坐。左右甚多。階下大有着枷鎖人。遣問老母。何因行濫沽酒。多取他物。擬作法華經。已向十年。何爲不造。老母其言。酒使婢作量。亦是婢經已付錢一千文與隱師。卽遣追婢。須臾婢至。勘當元由。婢卽笞四十放還。遣問隱師。報云是實。乃語老母云。放汝七日去。經了當來得生善處。

唐右金吾兵曹京兆常知十。至永徽中。煮一半脚。半日猶生。知十怒。家人曰。用柴十倍於常。不知何意如此。更

命重煮。還復如故。乃命割之。其中遂得一銅像長徑寸焉。光明照灼。相好成就。其家一生不敢食酒肉。

病苦篇歛念部

夫三界非有。五陰皆無。四倒十纏。共相和合。漂沒苦海。弱喪亡歸形軀七尺。莫知其假生靈一謝。再返無期。往生論云。若善男子。善女人。修五戒成就者。畢竟得生安樂國土。見彼阿彌陀佛。何等爲五一者禮拜。二者讚嘆。三者作願。四者觀察。五者廻向。又隨願往生經云。佛告普廣菩薩。若四輩男子女人。臨終之日。願生十方佛刹。

土者當先洗浴身體。着鮮潔之衣。燒衆名香。懸繒旛。蓋歌讚三寶。讀誦尊經。爲病者說因緣。喻善巧言詞微妙。經義。故云色不久鮮。當歸壞敗。精誠行道。可得度苦。隨心所願。無不獲果。

感應錄

三 驗

宋羅瑛妻費氏者。寧蜀人。父悅。宋寧州刺史。費少而敬信。誦法華經數年。勤至不倦。忽病心痛。屬續俱備。費氏心念。我誦經勤苦。宜有善祐。寧遂至此。既而睡臥食頃。如夢如寤。見佛於窓中。授手以摩其心。應時都愈。一堂

男女婢僕悉覩金光。亦聞香氣。瑛從妹琰。乃尙書中兵郎。費惜夫人也。於時省疾。亦具聞見。大興信悟。

宋李清者。於潛人也。仕桓溫大司馬府參軍。督護得病還家而死。經久蘞活。說云。初見傳教持信幡喚之。云。公欲相見。清謂是溫召。卽起束帶而去。出門見一竹輿。便令入中。二人推之。疾速如馳。至一朱門。見阮敬。時敬死已三十年矣。敬問清曰。卿何時來。知我家何似。清云。卿家異惡。敬便兩淚言。知吾子孫如何。答云。具可。我今令卿得脫。汝能料理吾家不清。云若能如此。不負大恩。敬

言僧達道人是官師甚被敬禮當苦告之還內良久遣人出云門前四層寺官所起也僧達常以平旦入寺禮拜宜就求哀清往其寺見一沙門語曰汝是我前七生時弟子已經七世受福迷着世樂忘失本業背正就邪當受大罪今可改悔和尚明出當相佐助清還中夜寒噤凍至曉門開僧達果出至寺清便隨稽首僧達云汝當革心爲善歸命佛法僧受此三歸可得不橫死受持勤者亦不經苦難清便奉受又見昨所遇沙門長跪請曰此人僧之宿世弟子忘正失法方將受苦先緣所追

實勤信法教

今得歸命願垂慈愍答曰先是福人當易拔濟耳便還向朱門俄遣人出云李叅軍可去敬時亦出與清一青竹枝令閉眼騎之清如其語忽然至家家中啼哭及鄉親塞堂欲入不得會買材還家人及客赴監視之唯屍在地清入至屍前聞其屍臭自念悔還但外人逼突不覺入屍於是而活卽營理敬家分宅以居於是歸心三

前齊永明中楊都高座寺釋慧進疏食布衣誓誦法華用心勞苦執卷便病乃發願造百部以悔先障始聚得

一千六百文。賊來索物。進示經錢。賊慙而退。爾後遂成百部。聞空中告曰。汝願已足。必得往生。

捨身篇 感應緣 三驗

梁普通年。小莊嚴寺有道度禪師。戒行淳直。善明摩訶衍。每厭此身同於毒樹。若身命無常。棄屍陀林。施以鳥獸。乃積薪柴。漸就減食。至普通七年十一月三日。鍾自虛鳴。其月八日。鍾復自鳴。乃與大眾共結善緣。爾後不復更食。唯用澡瓶。以汲清水。日飲一升。至二十五日。寺衆同往。見瓶發五色光耀。雜彩氛氲。至二十九日旦時。

寺主僧全等數人。共登禪室。遙見龕中紫光外照。其日將暮。忽有羣鳥五六百。同集一樹。夜二更初。寺有雜色光。映燭房宇。至五更中。聞山頂上火聲振烈。驚走往觀。見禪師合掌火中。刺史武陵王乃遣灑掃收斂其處。而建塔焉。後聞山頂時有石磬之聲。聲甚清徹。

隋盧山甘露峯釋大志。姓顧氏。山陰人。於蓮華山甘露峯南。建靜觀道場。頭陀爲業。介爾一身。不避虓虎。聞有惡獸。輒往投之。皆避不啞。經於七載。禪業無絕。晚住此山福林寺。會大業屏除。流徙隱逸。慨法陵遲。乃變服毀

形在佛堂內。高聲慟哭。三日三夕。初不斷絕。寺僧慰喻。志曰。余嘆惡業。乃如此耶。要盡此骸。申明正教。遂往東都上表。曰。願陛下興顯三寶。當燃臂於嵩岳。用報國恩。帝乃許之。勅設大齋。七衆通集。志不食。三日登大棚上。燒鐵鑪。赤用烙其臂。並令焦黑。以刀截斷肉。裂骨現。又烙其骨。令焦黑。以布裹臘灌下。火燃之。光耀岩岫。於時大衆見其苦行。皆痛心髓。而志雖加燒烙。詞色不改。或誦法句。嘆佛爲德。或爲衆說法。言談苦切。臂燒既盡。如先下棚。七日入定。跏坐而卒。

唐終南山豹林谷釋會通。雍州宿川人。少砍儉素。遊泊林泉。苦節戒行。誦法華經藥王品。便欣厭捨。私集柴木。以貞觀末年。靜夜林中。積薪爲窟。誦至藥王。便令下火。風驚焰發。烟火俱盛。卓爾跏坐。聲誦如故。尋爾西南。有大白光。流入火聚。至曉。身火俱滅。乃收其骨。爲起塔銘。

送終篇 受生部

夫生則八識扶持。死則四大離散。迅矣百齡。終歸磨滅。循環三界。運轉靡停。第一臨命終時。檢身冷熱。驗其善惡。具知來報。故瑜伽論云。造善之人。從下冷触至齋。以

上。煖氣後盡。卽生人中。若至頭面。熱氣後盡。卽生天道。若造惡者。與此相違。然瑜伽論。羯羅藍義。最初託處。卽名肉心。方識於此處。最初託。卽從此處。最後捨。

### 感應緣

漢令支縣有孤竹城。古孤竹之國也。靈帝光和元年。遼西人見遼水中有浮棺。欲斫破之。棺中人語曰。我是伯夷之弟。孤竹君也。海水壞我棺槨。是以漂流汝斫我。何爲。人俱不敢斫。因爲立廟祀祠。

漢菩提寺。西域人所立也。在慕義里沙門達多發墓取

塚。得一人生人以報。時太后與漢明帝在華林都堂。以爲妖異。謂侍郎徐統曰。上古以來。頗有此事。不統曰。昔魏時發塚。得霍光女婿范朋。朋友家僕。說漢朝廢立。與史書相符。不足爲異也。后令統問其姓名。死來幾年。何所飲食。死者答曰。臣姓崔。名涿。字子洪。博陵安平人。父名暢。母姓魏。家在城西塚財里。死時年十五。今乃二十七。在地下十二年。常似醉臥。無所食也。時復遊行。或遇飲食。如似夢中。不甚辨了。后卽遣門下錄事張雋。詣塚財里。訪涿父母。果有崔暢。其妻姓魏。雋問暢曰。卿有死兒。不。

暢曰。有息子洪。年十五而亡。僞曰。爲人所發。今日蘓活。在華林園。主上遣我來相問。暢聞驚怖曰。實無此兒。何者。謬言。僞還具以實啓。后遣僞送涵向家。暢聞涵至。門前起火。手持刀。魏氏把桃杖拒之。汝不須來。吾非汝父。汝非我子。速去可得無殃。涵遂捨去。遊於京師巷內。常宿寺門下。汝南王賜黃衣一通。性畏日。不仰視天。又畏水火及兵刃之屬。常走於路。疲則止。不徐行也。時人猶謂是鬼。洛陽大市北。有奉終里。內人賣送死之具。及諸棺槨。涵謂曰。棺槨勿以柔木爲櫬。人問其故。涵曰。吾

在地下見發鬼兵。有一鬼稱是柘棺。應免兵。主吏曰。你雖柘棺。柔木爲櫬。遂不免兵。

晉唐遵。字保道。上虞人也。晉太元八年。暴病而死。經夕得蘓云。有人呼將去。至一城府未進。頃見其從叔自城中出。驚問遵。汝何故來。遵答。正欲往候姑姊。因見數人急呼來此。卽時可得歸去。而不知還路。從叔云。汝姑喪已二年。汝姊兒道文。近被錄來。蒙恩放。仍留看戲。不卽還去。積日方歸。家已殯斂。乃入棺中。搖動棺器。冀望其家覺悟。開棺。棺遂至路落檀車下。其家或欲開之。乃問

卜者云不吉。遂不敢開。不得復生。今爲把沙之役。辛勤極苦。汝宜速去。勿復住此。且汝小姊又已喪亡。今與汝姑共在地獄。日夕憂苦。不知何時可得免脫。汝今還去。可語其兒。勤修功德。庶得免之。於此示遵歸路。將別又囑遵曰。汝得還生。良爲殊慶。在世無幾。儻如風塵天堂地獄。苦樂報應。吾昔聞其語。今覩其實。汝宜深勤善業。務爲孝敬。受法持戒。慎不犯一。去入人身。入此罪地。幽窮苦酷。自悔何及。勤以在心。不可忽也。我家親屬。生時不信罪福。今並遭塗炭。長受楚毒。焦爛傷痛。無時暫休。欲

求一日改惡爲善。當何得耶。悉我所具。故以囑汝。勸化家內。共加勉勵。言已涕泣。因此而別。遵隨路而歸。俄而至家。家治棺將竟。方營殯殮。遵旣附屍。屍尋氣通。移日稍差。勸示親識。並奉大法。初遵姑。嫡南郡徐漢長。姊嫡江夏樂瑜。子小姊嫡吳興嚴晚。途路懸遠。久斷音息。遵旣差。遂至三郡。尋訪姑及小姊。姊子果並喪亡。長姊亦說見道文。殮後棺動。墮車皆如叔言。旣聞遵說道文橫死之意。姊追加痛恨。重爲製服。

晉竹法慧。閔中人。方直有戒行。入嵩高山。事佛旨。密爲

師。晉康帝建元年。至襄陽。止羊叔子寺。不受別請。每乞食。輒齋繩床自隨。於閑曠設坐。遇雨。以油帔自覆。每語弟子法昭曰。汝過去時。折一鷄腳。其殃尋至。俄而昭爲人所擲。腳遂永疾。後征西庾移恭鎮襄陽。素不奉法。聞慧有非常之迹。甚嫉之。慧預告弟子曰。吾宿對尋至。誠勸眷屬令勤修福善。恭後二日果收而刑之。臨死語眾人云。猶枉刑吾。吾死後三日。天雷暴雨。至期果洪注。城門外深一丈。恭眷屬居民。並皆沒死。

### 法滅篇 五濁部

如地持論云。所謂五濁者。一曰命濁。二曰衆生濁。三曰煩惱濁。四曰見濁。五曰劫濁。謂今世短壽人極百歲。是名命濁。若諸衆生不識父母。不識沙門。婆羅門及宗族尊長。不修禮義。不畏惡業果報。不修惠施。不作功德。不修齊法。不持禁戒。是名衆生濁。若此衆生詣曲虛誑妄語。攝受邪法。及餘惡不善法生。是名煩惱濁。若於今世法壞法沒。像法漸起。邪法轉生。是名見濁。若饑饉劫起。疾病劫起。刀兵劫起。是名劫濁。

### 雜要篇

### 四依部

夫根鈍時澆信堅難具行淺德劣智正易述要須機教  
相符文理洞備故經曰雖誦千章不行何益今立正義  
須憑宗意教有權實行有昏明如大集經云後次舍利  
弗菩薩摩訶薩有四依法何等爲四依義不依語依智  
不依識依了義經不依不了義經依法不依人云何依  
義不依語語者若人世法而有可說義者解出世法無  
文字相語者若說布施戒忍進禪智慧調伏擁護義者  
知施戒忍進禪智慧入於平等語者稱說生死義者知  
生死性語者說涅槃味義者知涅槃無性語者若說諸

乘隨所安止義者善知諸乘入一相智門語者說身口  
意受持淨戒功德威儀義者了身口意皆無所作而能  
護持一切淨戒語者若說忍辱斷除恚怒貢高憍慢義  
者了達諸法得無生忍語者悉能聞持一切文字智慧  
根本義者知是慧義不可宣說云何依智不依於識識  
者四識住處如色識住處受想行識住處智者解了四  
識性無所住識者若識地大水火風大智者識住四大  
法性無別識者行有爲法智者知無所行無爲法性無  
有識知識者生住滅相智者無生住滅相云何依了義

經。不依不了義經。不了義經者。所作何業。信有果報了。義經者。盡諸煩惱。不了義經者。說生死苦惱了。義經者。生死涅槃。一相無二。不了經者。讚說種種莊嚴文字。了。義經者。說甚深經。難持難了。不了義經者。多爲衆生說。罪福相。今聞法者。心生欣感。了義經者。凡所演說。必令。聽者心得調伏。不了義經者。若說我人衆生等。無有施。受者。而爲說有施受。了義經者。說空無相。無願無作。無。有我人衆生。作者受者。常說無量諸解脫門。云何依法。不依於人。人者攝取人見。作者受者。法者解脫無人見。

作者受者。人者凡夫善人。信行人。八人四果人。辟支佛。人。菩薩人。一人出世。多所利益。多人受樂。憐愍世間。生。大悲心。於人天中。多所饒潤。所謂諸佛等。依世諦故。爲。化衆生故。作是說。若有攝取如是見者。是爲依人。如來。爲化攝人見者。故說依法。一切平等。無別異性。猶如虛。空舍利弗。是名菩薩摩訶薩。四依無盡。

### 翻譯部

附聖賢集傳四十九部

後漢朝譯傳道俗十二人出經律三百三十四部  
前魏朝傳譯僧六人出經律一十三部  
南吳孫氏傳譯道俗四人出經傳一百四十八部  
西晉朝傳譯道俗十三人出經戒四百五十一部

東晉朝傳譯道俗二十七人出經傳二五六十三部  
 前秦符氏傳譯僧八人出經傳四十部  
 西秦乞伏氏傳譯僧一人出經傳十四部  
 後秦姚氏傳譯僧八人出經傳一百二十四部  
 北涼沮渠氏傳譯道俗八人出經傳三十二部  
 宋朝傳譯道俗二十三人出經傳一百十部  
 前齊朝傳譯道俗十九人出經傳四十七部  
 梁朝傳譯道俗二十一人出經律傳九十部  
 後魏元氏傳譯道俗十三人出經論傳錄八十七部  
 後齊高氏傳譯道俗二人出經論七部  
 後周宇文氏傳譯道俗十一人出經論天文三十部  
 陳朝傳譯道俗三人出經論傳疏四十部  
 隋朝傳譯道俗二十人出經論九十九部  
 唐朝傳譯僧十一人出經論二百餘部  
 大乘經一譯二百四部  
 小乘經一部  
 小乘律三十五部  
 小乘論三十三部  
 衆經律論傳八百部  
 重翻二百二部  
 重翻九十六部  
 大乘論六十四部  
 八卷末



80

1

2

3

4

5

6

7

8

9

100

1

2

3

4

5

6

7

8

9

正

七